

M331: Hessische Reimpredigten

- 12a,1 *dom̃ prima aduētus*
 12a,2 Cvm appropínquaffent iherofol̃
 12a,3 HEr vf die gloſe ſagit vil
 12a,4 des ich vch ñv beſcheiden wil
 12a,5 obe ich iz kan eyn michildeil
 12a,6 gibit mír got ſiner gnaden heil
 12a,7 ¶ ñv ſal eyn ieglich menſche gvt
 12a,8 bedrahten lazen ſinen mvt
 12a,9 wie vnſer lieber h̃re quam
 12a,10 z̃v dem^e erſten von Bethaniam
 12a,11 ¶¶ Sa prvbe auch z̃v der anderen zit
 12a,12 daz z̃v der éinen ſiten wit
 12a,13 des bergis da von olívet
 12a,14 bethphage die ſtat z̃v ſtet
 12a,15 ¶ auch prvbe an deme dritten
 12a,16 wie quam geriden
 12a,17 der eren k̃vnig éine
 12a,18 vf eyneme eſele kleyne
 12a,19 ¶¶ Sa z̃v deme vierden male
 12a,20 Salt d̃v daz pruben wale
 12a,21 wie krift daz oſterliche lam
 12a,22 qvam z̃v iherofolíam
 12a,23 ¶ des funften malis prvbe
 12a,24 In díme herzen vbe
 12a,25 wie wole krift enphangen wart
 12a,26 an der vil lobelichen vart
 12a,27 da ieme engeíne giengen
 12a,28 die ívden kint [in] enphiengen
 12a,29 an deme ſelben gange
 12a,30 Mit lobe vnde mit gefange
 12a,31 ¶¶ vil lieben kinder waz hie bí
 12a,32 vns allen ñv bedudit ſí
 12a,33 bí den funf ſtucken vor genant
 12a,34 des ſagen ich vch éin deil z̃v hant
 12a,35 ¶ Bethanía ſi vch gefeit
 12a,36 eyn hvs der gehorfamekeit
 12a,37 bedudit z̃ ıft z̃v aller zit

12a,38 da vone fante paulus quít
 12a,39 “Fvr vns der ware hre krift
 12a,40 gehorfam auch gemachit ift
 12a,41 willeclich bíz in den dot”
 12a,42 da von vme vnfer aller not
 12a,43 qvam er ínbethaníam
 12a,44 da er die menfcheit an fich nam

12b,1 durchdaz er vns bekerete
 12b,2 den rehten weg gelerete
 12b,3 Mit finer wifen plege
 12b,4 den ftig die rehten wege
 12b,5 der zv íherufalem da gat
 12b,6 hín in die hýmelifchen ftat
 12b,7 ¶¶da bi vernemit hvde
 12b,8 waz Betphage bedude
 12b,9 daz kvnde ich vch gemeíne
 12b,10 Iz ift die bichte reyne
 12b,11 da man fal ane ftede
 12b,12 auch fin mít warer rede
 12b,13 er fal auch fích bedrvben
 12b,14 der fvnde vil er prvben
 12b,15 redeliche gar da bi
 12b,16 wie groz avch fine fvnde fi
 12b,17 wie vil ir fi wie manigfalt
 12b,18 vnde obe er ín den fvnden alt
 12b,19 Ift worden mít vndruwen
 12b,20 daz er al da mít ruwen
 12b,21 moge fprechen alle zit
 12b,22 alfo dauíd ín deme pfalter quít
 12b,23 “¶hre got dv wollift dich
 12b,24 hvde erbarmen vber mich
 12b,25 laz díne groze barmherkekeit
 12b,26 mir armen fvnder fin bereit
 12b,27 zv leffene míne míffedat
 12b,28 der vil mín lib begangen hat”
 12b,29 ¶¶Got aber dv dan biden falt
 12b,30 vme díne fvnde manigfalt
 12b,31 daz er dir die wolle vergeben
 12b,32 vnde dir vlihe ein réiníz leben
 12b,33 dvrch die barmherzekeit
 12b,34 got herre die dín milde dreit
 12b,35 ¶Fvrbaz wil ich vch fagen me
 12b,36 die felbe ftat Betphagie
 12b,37 die an deme oley berge lit
 12b,38 da von der glofen meifter quít
 12b,39 “von deme oley gebavme gar
 12b,40 daz alfo wōneclich gevar

- 12b,41 planzende vf deme berge stat
 12b,42 betphagia den namen hat”
 12b,43 ¶¶ da von vns die gloſe ſeit
 12b,44 daz die barmherzekeit

 13a,1 bedudit vns den oley berg
 13a,2 da von der barmekeide werg
 13a,3 Sal ſtedis bī der bihte ſin
 13a,4 Svnder allen valſchen ſchīn
 13a,5 ¶ h̄ noch ſa prvbit ſnelle
 13a,6 daz ir bi deme caſtelle
 13a,7 daz eyn burg da iſt genant
 13a,8 ſal die werlit ſin bekant
 13a,9 die alle zit vnde alle vrift
 13a,10 v o wieder iſt
 13a,11 daz wiſzit vf die druwe mīn
 13a,12 krift ſp̄a^h z̄v̄ zweīn īvngerē ſin
 13a,13 “¶¶ Ir ſvllit gen īn daz caſtel
 13a,14 daz da wieder vch iſt ſnel
 13a,15 da vīndit ir gebvnden ſtan
 13a,16 an allen zwifelichen wan
 13a,17 eyn eſelinnen vnde ir kīnt
 13a,18 die brengit mir alſe ſie da ſīnt”
 13a,19 ¶ n̄v̄ kvnde īch vwen ſinnen
 13a,20 daz auch die eſelinnen
 13a,21 bedudit vns der īvden ſchar
 13a,22 die mīt der ſvnden feilen gar
 13a,23 was gebunden vmmer me
 13a,24 da von vnde ſie die godis ·e·
 13a,25 avch hielden alle gliche
 13a,26 vil gar vnrechtecliche
 13a,27 ¶¶ Fvrbaz me ſi vch geſeit
 13a,28 den īvngen eſil den got reit
 13a,29 Mit dem̄declicher kraft
 13a,30 bedudit vns die heidenſchaft
 13a,31 die īn den ſvnden lagen
 13a,32 vnde keyner ·e· īn plagen
 13a,33 ¶ z̄v̄ den zweīn folken vor genant
 13a,34 got vnſir h̄re hat gefant
 13a,35 auch zwene īvngerē reyne
 13a,36 da bi ver ſtet gemeīne
 13a,37 die heiligen lerere
 13a,38 vnde auch die bihtere
 13a,39 die vil der folke hant bekart
 13a,40 kriftenliche werg gelart
 13a,41 vnde hant daz folk enbvnden
 13a,42 von allen ieren ſvnden
 13a,43 ¶¶ Die Ivngerē z̄v̄ giengen

- 13a,44 den efel sie behängen
- 13b,1 den got da wolde riden
13b,2 al in den selben ziden
13b,3 mit ir kleideren her vnde dar
13b,4 da miede ist vns bedudit gar
13b,5 die werg der barmherzekeit
13b,6 gein iherusallem reit
13b,7 die kinder alle von der stat
13b,8 hiben sich hin vf den phat
13b,9 Sie giengen ieme engeyne
13b,10 vnde enphiengen en gemeyne
13b,11 die kinder fvngen da zv vrist
13b,12 “hie km̃it der gefēnit ist”
13b,13 die selben reynen kinder gar
13b,14 bedvden vns der engel schar
13b,15 ¶ Sa die schar die die erste
13b,16 vnde auch der blumen qveste
13b,17 Strauweten vf die erden
13b,18 auch deme hohen werden
13b,19 kristo al da durch ere
13b,20 beduden die bihtere
13b,21 die wol den ersten glichen
13b,22 avch wifzit sicherlichen
13b,23 vnde allir hande blumen gar
13b,24 wie schone daz sie sin gevar
13b,25 vnde allen grünen lauben
13b,26 dvrch kristenlichen glauben
13b,27 den sie mit gvden werken
13b,28 Ie wolden volle sterken
13b,29 vnde den ir gvde lere
13b,30 hie hat gebreidit fere
13b,31 ¶ Die schar die sich enkleidete
13b,32 vnde vf den weg da bredete
13b,33 zv lobe o daz gewant
13b,34 da bi die glose vns hat benant
13b,35 die heiligen mertelere
13b,36 die da dvrch kristis ere
13b,37 hant irs reynis libis leben
13b,38 Mit willen in den dot gegeben
13b,39 ¶ n̄ wil ich raden lieben kint
13b,40 Mir vnde allen die da sint
13b,41 hie in den haubit fvnden
13b,42 verkn̄ppit vnde verbunden
13b,43 wolle wir den banden lihten
13b,44 daz wir die fvnde bihten
- 14a,1 wie groz sie si wie kleyne

14a,2 Ist daz der prifter reyne
 14a,3 vns da ín ruwen v́ndit
 14a,4 die bant er vns enb́ndit
 14a,5 da miede wír fín gebvnden
 14a,6 al ín den felben ftunden
 14a,7 leit er vns an eín felig bant
 14a,8 Ist penitencia genant
 14a,9 ¶¶ al mit der búze banden
 14a,10 wirt man der fvnden schanden
 14a,11 Entladen vnde des tvfelis lift
 14a,12 da von iz me dan sorglich ist
 14a,13 der sich fa miffewarit
 14a,14 daz er die fvnde sparit
 14a,15 biz vf des grimen dodis zit
 14a,16 Jeronimus da vone quit
 14a,17 “¶ Ey felig man ey felig wib
 14a,18 vnde fa bevangen ist din lib
 14a,19 Mit grozer fuchede manígfalt
 14a,20 dan kvme dv gedenken falt
 14a,21 an dine grozen miffedat
 14a,22 der vil din lip begangen hat
 14a,23 war vme dinis herzen fin
 14a,24 kerit vmer sich dar hin
 14a,25 da dv haft fmerzen vnde fir
 14a,26 des folden allewege wir
 14a,27 hie fin bereit al vf den dot
 14a,28 wan der lip hat fa groze not
 14a,29 Sa des grimen dodis kraft
 14a,30 an ieme wírdit fighaft
 14a,31 daz er gedenkít nvdis me
 14a,32 wen an daz bitterliche we
 14a,33 da miede bevangen ist der lip
 14a,34 ey felig man ey felig wip
 14a,35 des volgit míme rade eín deil
 14a,36 hie wírkít vwer fele heil
 14a,37 diewile ir hat kraft vn maht
 14a,38 Lat vch des grimen dodis naht
 14a,39 niht finden fvnder gvde dat”
 14a,40 dit ist Iheronimv́s rat
 14a,41 ¶¶ Des fvllen wír alle gemeine
 14a,42 hie o gen engeyne
 14a,43 mit drier hande fache
 14a,44 die ich vch kvndig mache

 14b,1 ¶ Des erften mít demv́dekeit
 14b,2 die da bí rehter warheit
 14b,3 der leide tvfel fliehen mv́z
 14b,4 da von fa sprichít Iacobus

14b,5 der zwelfbode groz gedan
 14b,6 “deme tvfele folt ir wieder ftan
 14b,7 Sa m̃vz er vliehen drade
 14b,8 von vch vnde fīn vngnade”
 14b,9 ¶¶daz ander ift daz ir daz leben
 14b,10 In keyne girheit fvllit geben
 14b,11 wolt ir ñv vber wīnden gar
 14b,12 die kranken w̃lit daz ift war
 14b,13 die der fele vnfelde git
 14b,14 alfo dauīd in deme pfalter quīt
 14b,15 “¶Ift daz vch flvzīt zṽ daz gut
 14b,16 Sa fehīt daz ir it den mut
 14b,17 daz herze lip vnde auch den fīn
 14b,18 zv fere fte vf den gewīn
 14b,19 groz gut der fele ift eīn vergift
 14b,20 gvt brengit grozer fvnden drift”
 14b,21 ¶¶Die dritten fache ich fagen wol
 14b,22 daz ift daz man avch krenken fol
 14b,23 daz fleis al dvrch der fele heil
 14b,24 vnde let man werden iz zṽ geil
 14b,25 des wirt die fele fchadehaft
 14b,26 vnde benīmīt ir· er kraft
 14b,27 ¶Da von fa ſprichīt pavlus hie
 14b,28 alfe ich vch wil beſcheiden wie
 14b,29 “Ir fvllit vwer glider gar
 14b,30 gode doden daz ift war”
 14b,31 daz quīt ir fvllit gvde dat
 14b,32 durch got wīrken· vnde lat
 14b,33 allen fvndeclichen m̃vt
 14b,34 Minnīt got f̃vr allīz g̃vt
 14b,35 ¶¶Dvn wir daz fa wil vns geben
 14b,36 got eīn eweclichiz leben
 14b,37 In der hohen trinītat
 14b,38 da fravde ñvmer me zṽr gat
 14b,39 **domonica f̃cda**
 14b,40 Erunt fīngna in fole et luna·
 14b,41 Her vf wil ich eyn cleīne
 14b,42 ñv vz der glofen reīne
 14b,43 hie reden weīz got hvde
 14b,44 waz vns die fvne dvde

15a,1 der man vnde auch die fterren
 15a,2 daz mogen wīr hie lernen
 15a,3 an dirre ftat mīt warer lifft
 15a,4 Bedudit vns die fvne krift
 15a,5 von zweierhande fache
 15a,6 die ich vch kvndig mache
 15a,7 die erſte ift daz die fvne

- 15a,8 Ift allir der werlede wvnnne
 15a,9 ꝚDaz ander daz die fvnne clar
 15a,10 erluhtit al die wlit gar
 15a,11 ꝚꝚDaz erfte daz die fvnne
 15a,12 Ift alder werlede wvnnne
 15a,13 an ir des dagis zierde lit
 15a,14 da von der zwelfbode quit
 15a,15 “krift der ift mit rehter mvgent
 15a,16 die hohe godeliche dvgent”
 15a,17 werliche daz fi vch gefeit
 15a,18 Er ift die godis wilheit
 15a,19 von der ift gefprochen da
 15a,20 In der wilheide bvche fa
 15a,21 “ꝚSinis antliczis wvnnne
 15a,22 Ift clarer dan die fvnne
 15a,23 vnde ober allen fterren clar
 15a,24 Lvhtit fin antlicze gar”
 15a,25 ꝚꝚZv deme andern male quit Iohan
 15a,26 von o der vil reyne man
 15a,27 “Ich bin ein liht zv aller zit
 15a,28 Ich luhten durch die wlit wit”
 15a,29 Ꝛvon dirre fvnnen groz erkant
 15a,30 ift genant
 15a,31 da inne fach man zeichen vil
 15a,32 die ich vch benennen wil
 15a,33 zv diefen felben ftunden
 15a,34 daz waren die funf wvnden
 15a,35 die er vme vnfe not en phieng
 15a,36 an deme cruce da her hieng
 15a,37 In apokalipfi dort
 15a,38 von kriftis wvnden diefe wort
 15a,39 quit Iohan “der gnaden heil
 15a,40 der fvnnen fchin daz dritteil
 15a,41 Ift benvmen vnde erlagen”
 15a,42 daz meynen ich alfe ich vch wil fagen
 15a,43 ꝚꝚan krifte daz fi vch gefeit
 15a,44 Leit den dot die menfcheit

 15b,1 die fele noch die godeheit
 15b,2 Ieweder keynen kvmer leit
 15b,3 von des grimen dodis we
 15b,4 nv wil ich vch beduden me
 15b,5 Ꝛwaz auch nv fi der mane
 15b,6 Iz ift die wol gedane
 15b,7 reyne muder vnde meit
 15b,8 glichit fich fi vch gefeit
 15b,9 deme manen hie vil life
 15b,10 In zweier hande wife

- 15b,11 ¶¶ Daz erfte ift daz des manen kreíz
15b,12 Ift der erden godeweíz
15b,13 naher vf die druwe mín
15b,14 wan alle die planeten fín
15b,15 ¶ Daz ander ift daz er die naht
15b,16 er lvhtit gar mít finer maht
15b,17 Mit finís schínís clarheit
15b,18 werliche daz fi vch gefeit
15b,19 ¶¶ alfo der mane z̄v aller vrift
15b,20 deme ertriche aller nehift ift
15b,21 wan alle die planeten fín
15b,22 alfo al vf die druwe mín
15b,23 Ift die reyne kvfche magit
15b,24 Maria daz fi vch gefagit
15b,25 bídende vmmer mere
15b,26 Ir kint fvr die fvrndere
15b,27 For allen heiligen die da fín
15b,28 geheiligit vf die druwe mín
15b,29 ¶ Die kvfche wol gedane
15b,30 Maria ift der mane
15b,31 In deme man groze zeichen fach
15b,32 alfo die glofe mír ver iach
15b,33 die zeichen was die groze not
15b,34 die fie leit von írs kındis dot
15b,35 ¶¶ Da von lucas gefprochen hat
15b,36 “dvrch dín felbis fele gat
15b,37 Eyn fwert” daz ift der fmerze
15b,38 der ir drang durch daz herze
15b,39 da fie ir kint vnde ieren got
15b,40 Sach hangen an deme cruce dot
15b,41 ¶ Die fterren vch bedudent hie
15b,42 die glofe alfe ich vch fagen wie
15b,43 bí in fa follit ir verftan
15b,44 die zwelfboden groz gedan
- 16a,1 die fterren hie genēit fín
16a,2 In den fa wurden zeichen schín
16a,3 alfe ich vch n̄v bescheiden wil
16a,4 fie flvhen vf daz felbe zil
16a,5 da der groze h̄re zart
16a,6 krift gefangen wart
16a,7 ¶¶ Sie wurden alle zwifelhaft
16a,8 an finer godelichen kraft
16a,9 die zwelfboden gut erkant
16a,10 die hie fterren fínt genant
16a,11 an den die zeichen da gefchahen
16a,12 da die felben herren iahen
16a,13 “¶ verhoffit waren wir gemein

- 16a,14 krift der felig hie erschein
 16a,15 daz er folde fin er stan
 16a,16 Ifrahel er lofit han”
 16a,17 ¶¶die fvnne reyne vnde da bi clar
 16a,18 bedudit auch daz ist al war
 16a,19 den gerehten gyden man
 16a,20 der gode vil wol gedienē kan
 16a,21 ¶von deme hat gesprochen fus
 16a,22 der gvde ecclēsticus
 16a,23 “Der menfche heilig vnde gut
 16a,24 blibit also die fvnne dut
 16a,25 In aller finer wiheit
 16a,26 alsam die liechte fvnne breit
 16a,27 In zirckelif wifē blibit fleht
 16a,28 also der menfche vil gereht
 16a,29 blibit fv[]der allen fchranz
 16a,30 an dvgentlichen werken gancz”
 16a,31 Furbaz wifzit mere
 16a,32 der mane den fvnndere
 16a,33 bedudit ficherlichen auch
 16a,34 ader eynen dvmē gauch
 16a,35 der da in allen ftvnden
 16a,36 in haubithaften fvnden
 16a,37 zv bofheit fich gefellit
 16a,38 von fvnde in fvnde vellit
 16a,39 ¶¶von deme hat gesprochen fus
 16a,40 der gude ecclēsticus
 16a,41 “¶der dor ist wol deme manē glich
 16a,42 er wandelit sam der mane fich
 16a,43 alle zit vnde alle zil”
 16a,44 da von gesprochen hat Iohil

 16b,1 “¶¶Der mane wandelit fich in blvt”
 16b,2 da bi den fvnndere gar vnfrvt
 16b,3 Sollit ir an allen wan
 16b,4 bi deme blvde hie verftan
 16b,5 ¶vnde der prophete ofee
 16b,6 da vone hat gesprochen me
 16b,7 “daz blvt droffen hat daz blvt”
 16b,8 daz meinīt fo ofeis mv̄t
 16b,9 daz von maniger fvnden werg
 16b,10 wirt ein fvndeclicher berg
 16b,11 ¶¶da von fal man die fvnde
 16b,12 hazzen zv̄ aller ftunde
 16b,13 al durch vier hande fache
 16b,14 die ich vch kvndig mache
 16b,15 ¶dv̄rch daz fal man fie mīden
 16b,16 die fvnde zv̄ allen ziden

16b,17 wan sie die fele dodit gar
 16b,18 daz ist sicherliche war
 16b,19 ¶¶ da von sal man auch hazzen sie
 16b,20 die fvnde ftedecliche hie
 16b,21 wan wer ir dienit daz ist fleht
 16b,22 der ist auch hie der fvnnden kneht
 16b,23 ¶ auch sal man sie ie miden
 16b,24 die fvnde zv allen ziden
 16b,25 die vf des lesten dagis zil
 16b,26 der fele brengent leidis vil
 16b,27 Mit smerzen schaden schande
 16b,28 vil groz vnde maniger hande
 16b,29 ¶¶ avch fvlle wir die fvnnde gar
 16b,30 dar vmme hazzen vffenbar
 16b,31 wan sie daz hymelriche
 16b,32 daz wifzit sicherliche
 16b,33 deme menschen gar verlufit
 16b,34 der sie zv frunt erkvfit
 16b,35 ¶ he sal wifzen vnser mut
 16b,36 daz wir han drier leye gvt
 16b,37 daz wir noch godis lobe gar
 16b,38 verzeren sollen daz ist war
 16b,39 ¶¶ Ich wil sie vch nenēn alle drv
 16b,40 daz ir sie erkēnen mogit nv
 16b,41 die fele gut vnde auch die zit
 16b,42 ist diz fa die glofe quit
 16b,43 ¶ daz erste daz ich sagen wil
 16b,44 daz ist daz man auch alle zil

17a,1 die fele halde reyne
 17a,2 vor fvndeclichem meyne
 17a,3 vnde daz wir sprechen mogen dan
 17a,4 alse lob der reyne man
 17a,5 zv deme waren gode sprach
 17a,6 da er sin ende nahe sach
 17a,7 “¶¶ nv vil lieber schepfer hir
 17a,8 Mine fele geben ich wieder dir”
 17a,9 ¶ daz ander ist daz man daz gvt
 17a,10 Laze deilen vnfen mvt
 17a,11 in die fes werg si vch gefeit
 17a,12 der waren barmherzekeit
 17a,13 ¶¶ da vone sprichit so
 17a,14 in deme ewangelio
 17a,15 “¶ von hvnger was ich worden krank
 17a,16 ir gabit mir spise vnde drang”
 17a,17 ¶¶ daz dritte ist daz daz mensche fol
 17a,18 diese zit bewenden wol
 17a,19 in godis lobe vnde ere

- 17a,20 Sal auch he vmmer mere
 17a,21 der mensche fvenden fine zit
 17a,22 da vone fante bernhart quit
 17a,23 “I kranker mensche hie geborn
 17a,24 die zit haft d̄v vil gar verlorn
 17a,25 in der d̄v fvnder allen spot
 17a,26 niht haft gedaht an dinen got”
 17a,27 I I dar vmme fvle wir irgeben
 17a,28 die fele lip vnde auch daz leben
 17a,29 herze fin vnde auch den mvt
 17a,30 an den vil waren heilant gvt
 17a,31 des hantgedat wir alle fin
 17a,32 der da ist einer vnde trin
 17a,33 daz der vns allen wolle geben
 17a,34 daz wir hie also geleben
 17a,35 in deme fwachen libe
 17a,36 daz dort die fele blibe
 17a,37 bi gode in hymelriche
 17a,38 amen vmer ewecliche
 17a,39 **domonica tercia aduentus**
 17a,40 Cvm audiffet Iohnes in vinculis
 17a,41 Vil gerne avch ich n̄v hede
 17a,42 von dirre glofen rede
 17a,43 vnde were ich fa behende
 17a,44 daz ich z̄v gvdem ende

 17b,1 die rede brengen kvnde
 17b,2 der rede ich n̄v begvnde
 17b,3 I da fante Iohan baptifte
 17b,4 gefangen lag z̄v krite
 17b,5 Zwene ivngeren fante er hin
 17b,6 n̄v fal auch pruben vwer fin
 17b,7 I I waz vns auch n̄v Iohannes
 17b,8 bedude vnde auch herodes
 17b,9 waz die bant der kerker
 17b,10 waz bedude auch daz er
 17b,11 gedodit wart al da z̄v ftunt
 17b,12 dit wirt vch alliz hie verkvnt
 17b,13 I Iohan fr̄v vnde spade
 17b,14 bedudit godis gnade
 17b,15 vnde auch der name gvt Iohan
 17b,16 bedudit eynen rechten man
 17b,17 I I wan keynem menschen kvm̄t in
 17b,18 godis gnade in finen fin
 17b,19 in fines h̄zen fin noch mvt
 17b,20 er en fi gereht vnde da bi gvt
 17b,21 I wan eime vngerechten man
 17b,22 z̄r genglich gvt an allen wan

17b,23 wirt verlvhen daz ver ftat
 17b,24 Fvr keyn zeichen gvt ir iz hat
 17b,25 z^o godis gnade iz nít enzelt
 17b,26 Iz ift niht wan ein wieder gelt
 17b,27 I^u von dirre wlede alle zit
 17b,28 gregorius da vone quit
 17b,29 “wer dirre werlede eigenschaft
 17b,30 beficzit gar mit finer kraft
 17b,31 daz wieder ahtit daz ift war
 17b,32 die godeliche gnade gar
 17b,33 die des reynen menschen mvt
 17b,34 Minnit gar fvr alliz gvt”
 17b,35 Iⁿo prvbit alle lvde
 17b,36 waz vns herodes dvde
 17b,37 daz wil ich vch hie lan ver ftan
 17b,38 er bedudit einen man
 17b,39 der da ift vil gar ver kart
 17b,40 vnde alle vndvgent hat gelart
 17b,41 er bedudit auch den tvfel
 17b,42 der alle die wlit in zwifel
 17b,43 vkeren wil mit finer list
 17b,44 alfame er verkerit ift

18a,1 I^u Fvrbaz fa dvn ich vch bekant
 18a,2 waz vns bedvden avch die bant
 18a,3 Sie dvden alle bofe dat
 18a,4 die der mensche hie begat
 18a,5 da vone der prophete hie
 18a,6 quit alfe ich vch fagen wie
 18a,7 “I^u wifzit der fvndere feil
 18a,8 ift der fvnden groz vnheil
 18a,9 da miede fie gebunden
 18a,10 Sin gar z^o allen ftvnden
 18a,11 Sa daz ir fin vnde auch ir mvt
 18a,12 beget die keiner hande gvt”
 18a,13 I^u waz vnf der kerker dvde dan
 18a,14 daz prvbit frauwen vn man
 18a,15 der kerker gar ift dinfter
 18a,16 gar dief vn da bi finfter
 18a,17 wer in den kerker wirt gelaht
 18a,18 der verlufit fine maht
 18a,19 er dorrit fam ein griebe
 18a,20 er dvdit auch die liebe
 18a,21 die der arme fvnder hat
 18a,22 z^o der fvnden missedat
 18a,23 reht alfe der kerker nodit
 18a,24 den lip z^o ivngift dodit
 18a,25 also die fele dodit gar

18a,26 die habit fvnde daz ift war
 18a,27 Ꝛwāne der tufel der fathan
 18a,28 eynen rehten gvden man
 18a,29 zꝝ fvnden brengit auch fin fīn
 18a,30 Sa dut er in den kerker in
 18a,31 ꝚꝚwer in den fvnden blībit
 18a,32 vnde fie die lenge dribit
 18a,33 fa liebit ie die fvnde
 18a,34 daz wifzit zꝝ aller ftvnde
 18a,35 daz git zꝝ ivngift zwifel
 18a,36 Svs dodit den der tvfel
 18a,37 der fvnder ruwen ftirbit
 18a,38 des fele gar vīr dīrbit
 18a,39 Ꝛvon den Ofee ſprichit hie
 18a,40 alfe ich vch wil beſcheiden wie
 18a,41 “Ir arbeit hat gezzen
 18a,42 fvr war fvlt ir daz wezzen
 18a,43 ein vremede volg mīt liſten
 18a,44 da vm fie nīt en wiſten”

18b,1 ꝚꝚnꝝ fvllen alle lvde
 18b,2 Mit wiczen prꝝben hvde
 18b,3 daz wifzit vf die druwe mīn
 18b,4 Ꝛwaz avch die zwene boden fīn
 18b,5 die Iohannes baptifte
 18b,6 fante hīn zꝝ kriſte
 18b,7 ꝚꝚEr in hat noch nīt vernṽmen
 18b,8 waz blinden lāmen ftṽmen
 18b,9 Maladen dode lvde
 18b,10 vnde waz vns daz bedvde
 18b,11 ich wil iz vch hie lan ver ſtan
 18b,12 vnde da der gvde man Iohan
 18b,13 gefangen lag baptifte
 18b,14 vnde da bi auch daz wifte
 18b,15 daz er da ſterben ſolde
 18b,16 alfe vnſer h̄re wolde
 18b,17 Ꝛvnde da er dit erkante
 18b,18 zwene ivngeren er da fante
 18b,19 zꝝ kriſte al vf daz ſelbe mal
 18b,20 alfo ein ieglich menſche fal
 18b,21 der in den haubit fvnden lit
 18b,22 gefangen der fal in der zit
 18b,23 auch ſich zꝝ kriſte wenden
 18b,24 Er fal da kriſte fenden
 18b,25 zwene boden alle zil
 18b,26 alfe ich vch wol beſcheiden wil
 18b,27 ꝚꝚwolt ir nꝝ wiſzen brꝝder mīn
 18b,28 wer dieſe zwene boden fīn

- 18b,29 die wil ich dar v̄me nēnen
 18b,30 daz ír wullit er kēnen
 18b,31 iz ift die bihte die git vor
 18b,32 die b̄vze volgit írme fpor
 18b,33 ¶ wāne der fvnder daz ver ftat
 18b,34 gebihtit fīne fvnde hat
 18b,35 vnde auch die b̄vze enphangen
 18b,36 weiz got fa fīnt fie gegangen
 18b,37 die zwene boden me dan zart
 18b,38 F̄vr m m mīt der fart
 18b,39 ¶ ¶ z̄v̄ diefen boden gvt erkant
 18b,40 begīnnit krift der heilant
 18b,41 Mit frvndis m̄vde iehen
 18b,42 “die blīnden n̄v̄ gefehen”
 18b,43 ¶ bi den blīnden fa ver ftāt
 18b,44 die l̄vde die vngelauben hant

 19a,1 wanne die got bekerit
 19a,2 den rehten glauben lerit
 19a,3 daz fie an got fīnt iehende
 19a,4 fa fīnt fie worden fehende
 19a,5 ¶ ¶ daz got die lamen dvt vf ftan
 19a,6 daz fie da laufen vnde gan
 19a,7 daz bedudit vns daz got
 19a,8 die lvde die da fīn gebot
 19a,9 verfv̄mīt han vil lange ftvnt
 19a,10 daz fie f̄urbaz me rehte dvnt
 19a,11 ¶ Daz got malade lvde
 19a,12 auch reynegit an der hvde
 19a,13 da bī fa fullit ír ver ftan
 19a,14 alle die da vnrehthe gan
 19a,15 vnde daz got die bekerit
 19a,16 Sīn heilige lare lerit
 19a,17 ¶ ¶ Sa wifzit vf die druwe mīn
 19a,18 die m̄vzen alle ft̄vmen fīn
 19a,19 die got nīt enlobent hie
 19a,20 wan vnfer lieber herre die
 19a,21 z̄v̄ fīme lobe kerit hīn
 19a,22 Sa wifzit daz er vffent īn
 19a,23 den mvnt die kelen vnde den mvt
 19a,24 alfus got ft̄vmen fprechen dvt
 19a,25 ¶ Sa dudint auch die armen kīnt
 19a,26 gar alle die otmvdig fīnt
 19a,27 vnde der wiffagen dudit gar
 19a,28 daz īn got vffent daz ift war
 19a,29 der ewangelia gewalt
 19a,30 vnde fīne gnade manígfalt
 19a,31 ¶ ¶ der hat auch vf gewaht

- 19a,32 die doden lebendig gemaht
 19a,33 wanne er die fvndere
 19a,34 die fvnde fchemebere
 19a,35 hazzen vnde vliehen dvt
 19a,36 vnde daz er kerit ieren mvt
 19a,37 zʋ fruteclicheme ruwen
 19a,38 reht alfe er fpreche en druwen
 19a,39 “Ț Soliche ich kan erschrecken
 19a,40 Mın gnade erluhten wecken
 19a,41 daz fie von fvnden keren
 19a,42 ich kan fie wol geleren
 19a,43 daz fie gar alle gliche
 19a,44 avch wirkent dvgentliche”
- 19b,1 ȚȚ nʋ helfe vns krift der milde
 19b,2 ín defeme mere wilde
 19b,3 da inne wir diefe fweben
 19b,4 daz wir alfo geleben
 19b,5 noch kriftenlicher lere
 19b,6 daz wir vz diefeme mere
 19b,7 gar mit elenthafter hant
 19b,8 gervgen ín daz vader lant
 19b,9 daz fraude fvnder ende hat
 19b,10 def hilf vns hohe trinitat· amē
 19b,11 **domonica quarta**
 19b,12 Misferunt iudei ab iherosolimis
 19b,13 [k]vnde ich vz dirre glofen
 19b,14 nʋczlichis it gekofen
 19b,15 daz dede ich gerne vnde weris fro
 19b,16 ín defeme ewangelio
 19b,17 ȚȚ Sa follent alle lyde
 19b,18 bi namen prvben hvde
 19b,19 hie zweierhande fache
 19b,20 die ich vch kvntlich mache
 19b,21 Ț die erfte fache weiz got ift
 19b,22 daz vnser herre ihefus krift
 19b,23 Sa er mit finer gnade
 19b,24 hín ín den menfchen drade
 19b,25 kʋmet fvnder allen wan
 19b,26 waz er ín ieme wirke dan
 19b,27 des wil ich vnder wifen hie
 19b,28 vch bi namen alfo wie
 19b,29 ȚȚ Sa krift der heilant
 19b,30 ín den menfchen hat gefant
 19b,31 die fíne grozen gnade
 19b,32 fa wifzít daz er drade
 19b,33 wil ín deme menfchen wirken
 19b,34 Ses dıng die follít ír merken

19b,35 ¶ die erfsten fache merkit
 19b,36 daz ift daz daz er da wirkit
 19b,37 in den liden die da fint
 19b,38 von rehter hohfart worden blint
 19b,39 daz er die fi vch gefeit
 19b,40 irluhtit mit otmvdekeit
 19b,41 ¶¶ Sa wifzit furbaz mere
 19b,42 hochfart vnde idel ere
 19b,43 fint alfe ein wolken blig vil clar
 19b,44 fie verblendint daz ift war

20a,1 der felen augen me dan fin
 20a,2 wie der blig ha kvrzen schin
 20a,3 fa ift er doch vil schadelich
 20a,4 den avgē alfo fpchen ich
 20a,5 fa ift auch die hohfertekeit
 20a,6 deme menschen daz fi vch gefeit
 20a,7 der vf der erden schinen wil
 20a,8 in hohfertekeide vil
 20a,9 ¶ Soliche lude daz ift bekant
 20a,10 die ir hohfart hat geblant
 20a,11 Sa daz ir fele nit en mag
 20a,12 gefehen krift den waren dag
 20a,13 die dvt got mit demvdekeit
 20a,14 gefehen daz fi vch gefeit
 20a,15 ¶¶ Otmvdekeit vil dauge
 20a,16 bi namen ift ein auge
 20a,17 Mit deme sich der mensche gar
 20a,18 mag befe[h]en her vnde dar
 20a,19 beide nŵ vnde alle zit
 20a,20 ¶ wiedaz fin dun fin leben lit
 20a,21 wie ift die ander fache dan
 20a,22 daz fagen ich vch obe ich kan
 20a,23 iz ift daz vnser herre do
 20a,24 in den liden wirkit fo
 20a,25 werliche daz fi vch gefeit
 20a,26 Sa waz die bofe girekeit
 20a,27 bi namen hat verlemit hie
 20a,28 daz krift bi namen alle die
 20a,29 Mit finer waren liebe kan
 20a,30 heilen daz fie rehte gan
 20a,31 ¶¶ der bofe girekeyde mvt
 20a,32 den menschen hie vlamen dvt
 20a,33 an beiden finen fuzen gar
 20a,34 des lifit man vffenbar
 20a,35 in der knige bvche hie
 20a,36 alfe ich vch wil bescheiden wie
 20a,37 Savlis fvn er Ionathas

20a,38 deme waf mît namē alfo ich las
20a,39 ein kint ein lieber fvn bedet
20a,40 der was genant mifibofet
20a,41 von fvnf iaren was fîn zil
20a,42 daz kint der ammen da en vil
20a,43 einis dagis vf die erden hart
20a,44 da von daz kindelîn vil zart

20b,1 wart an beiden fûzen lam
20b,2 in der glofen ich ver nam
20b,3 daz vns bedudit Ionathas
20b,4 eyne dvben fa ich las
20b,5 zv kwmende mit reiner lift
20b,6 die felbe dube dudit krift
20b,7 Ider in diefe werlit quam
20b,8 da er die menfcheit an fich nam
20b,9 gar alfe ein dube reine
20b,10 in dife werlit eine
20b,11 brachte krift der werde gaft
20b,12 des oleybavmîs einen aft
20b,13 der was grvner dan ein gras
20b,14 vns bedudit fa ich las
20b,15 II der oleybaum mit warheit
20b,16 Friede vnde barmherzekeit
20b,17 der zweier grozen gnade gelt
20b,18 fa brathe krift in dife werlit
20b,19 den da die glofe Ionathas
20b,20 dvrch daz auch nenit fa ich las
20b,21 wan er mag alle wonder dvn
20b,22 diffis Ionathafis fvn
20b,23 Ist ey[] eklich kriften lib
20b,24 iz fi ein man iz fi ein wib
20b,25 daz wifzit bi der warheit min
20b,26 fa dirre fvn der ammen fîn
20b,27 enpellit vz eren armen fleth
20b,28 fa wirt er lam vnde vngereth
20b,29 Iwolt ir nv wîzzen auch hie bi
20b,30 wer da auch vnfer amme fi
20b,31 daz wirt vch hie von mir gefeit
20b,32 die godeliche furfithekeit
20b,33 alle zit vnde alle frift
20b,34 vnfe foderinnen ift
20b,35 Sie fodit vns des dankit ir
20b,36 ir follit wîzzen daz auch wir
20b,37 vz ieren armen fallen dan
20b,38 fa wir nit follen glauben han
20b,39 daz vns die godeliche maht
20b,40 Fode alle zit dag vnde naht

- 20b,41 ¶ ¶ dit ist alfe ich vch fagen wil
 20b,42 fa wir beforgit fín z̥ vil
 20b,43 in dírre wíden werlede ríng
 20b,44 vm ír irdiflichíz ding

 21a,1 ¶ Sa vnfer herze vnde vnfer fín
 21a,2 alle zit vf den gewín
 21a,3 bedrattit ist z̥ fere
 21a,4 wie er daz gvt gemere
 21a,5 d̥vrch dírre gírekeide gír
 21a,6 dar vmme fa verlamen wir
 21a,7 an beiden vnfen f̥vzen gar
 21a,8 wir verliefen avch daz ist war
 21a,9 da mede fvnder allen wan
 21a,10 die liebe die wir folden han
 21a,11 z̥ krifte deme weheften
 21a,12 vñ auch z̥ vnfen neheften
 21a,13 ¶ ¶ die gírekeit vnde auch ír gebot
 21a,14 en mag den mīneclichen got
 21a,15 hie n̄mer me gemínnen
 21a,16 Mít retheclichen fínnen
 21a,17 noch fínen eben kriften
 21a,18 Mít keynen gyden liften
 21a,19 verflūchit ist der name
 21a,20 wen ein folicher lame
 21a,21 ist myfibofet genant
 21a,22 der name ist bofe gnv̄g ír kant
 21a,23 wan er bedudit einen mvnt
 21a,24 deme alle bofheit ist wol kvnt
 21a,25 ¶ Ich fagen vch vf mínen eit
 21a,26 daz avch foliche gírekeit
 21a,27 alfe ich mít warheit fpreden mag
 21a,28 al vf den ivngestlichen dag
 21a,29 fa hie der lib ver endit
 21a,30 die fele wirt gefchendit
 21a,31 fvnder endelofe zit
 21a,32 fa vnfer herre z̥ in quít
 21a,33 Mít eíner grozen stímme fvr
 21a,34 “get ín daz ewecliche fvr”
 21a,35 ¶ ¶ wie ist die dritte fache dan
 21a,36 daz fagen ich vch obe ich kan
 21a,37 daz ist daz vnfer herre krift
 21a,38 ín deme menfchē wirkende ist
 21a,39 Mít fíner richen gnade rat
 21a,40 fa wer ist worden malat
 21a,41 von deme snore miffefar
 21a,42 daz den wil heilen gar
 21a,43 Mít der vil reynen kvfekeit

- 21a,44 werliche daz si vch gefeit
- 21b,1 ¶ Sa wifzit daz bínamen die
 21b,2 die fnorliche lebent hie
 21b,3 die ftínkent alfe eín fv́lir míf
 21b,4 vor godis avgen alle frift
 21b,4a ð fnor die fele fwechit gar
 21b,4b Er machit sie malat gefar
 21b,4c For godis avgē alle zit
 21b,4d Levíticus daz bûch quit
 21b,5 “¶¶ vierhandeleie ist daz malat
 21b,6 er ist felig der ir keíníz hat”
 21b,7 ¶ daz eíne hant die lvde
 21b,8 Mit namen an der hvde
 21b,9 ¶¶ daz ander malat zware
 21b,10 hant sie an deme hare
 21b,11 ¶ daz dritte mít warheíde
 21b,12 hant sie an deme cleide
 21b,13 ¶¶ daz fierde malat miffefar
 21b,14 daz lit an ieren hvfen gar
 21b,15 ¶ alfuß vierhande malat sint
 21b,16 an gar vil lvden lieben kint
 21b,17 die ich vch fvnderliche wil
 21b,18 beduden vf dit felbe zil
 21b,19 ¶¶ daz malat an der hvde
 21b,20 daz hant weiz got vil lude
 21b,21 Meiftdeilig ivnge dñme wib
 21b,22 vnde die da zieren ieren lib
 21b,23 al durch ir dauben wicze
 21b,24 daz sie auch ir antlicze
 21b,25 die hende kelen vnde nag
 21b,26 wa man sie bloz gesehen mag
 21b,27 Sich falbent allentalben
 21b,28 Mit eíner hande falben
 21b,29 die auch dar zʷ gemacht ist
 21b,30 daz sie gar eine cleíne frift
 21b,31 Schínít wíz vnde da bí rot
 21b,32 Soliche zírde hazzit got
 21b,33 alle zit fpade vnde frʷ
 21b,34 Sie horit endecrifte zʷ
 21b,35 die schemeliche míffedat
 21b,36 ¶ Sa hant eín deil daz malat
 21b,37 werliche an deme hare
 21b,38 vil gnv̄g der paffen zware
 21b,39 ritter knappe welich man
 21b,40 daz wifzít fvnder allen wan
 21b,41 die heímeliche vnde vffenbar
 21b,42 zʷ crvllen machent flechtíz har

- 21b,43 ¶¶ vil manig wib daz malat
 21b,44 da bi an deme hare hat

 22a,1 al von den felben wiben fus
 22a,2 gesprochen hat Ieronimus
 22a,3 “¶ Sie glichent sich den bocken
 22a,4 die da mit fremeden locken
 22a,5 ir haubit vnde ir nollen
 22a,6 werliche zieren wollen”
 22a,7 vñ die da feruwen fwarziz har
 22a,8 daz iz da wirdit gel gefar
 22a,9 vnde die mit goldis binden
 22a,10 ir haubit vmme winden
 22a,11 vnde die sich z̃v allen malen
 22a,12 dar z̃v mit den schappalen
 22a,13 zymeren vnde cronen
 22a,14 ñw wifzit daz die honen
 22a,15 Sich· vnde [daz] dut der fele we
 22a,16 fa wil ich vch doch fagen me
 22a,17 ¶¶ daz auch vil lude daz malat
 22a,18 werliche dragent an der wat
 22a,19 alfe ich vch wil bescheiden
 22a,20 iz sint die sich da cleiden
 22a,21 oppecliche z̃v aller stunt
 22a,22 die da den zabel vnde daz bunt
 22a,23 vnde auch die dūch von fiden
 22a,24 durch hohfart vnder fniden
 22a,25 halberen vnde fieren
 22a,26 von manigerhande dieren
 22a,27 verfnident auch dar vnder
 22a,28 die fische die merwonder
 22a,29 in ein mit ein befangen
 22a,30 dar vf goldine spangen
 22a,31 Mit filberinen kneufen
 22a,32 die sich z̃v samene fleufen
 22a,33 iz sin die man iz sin die wib
 22a,34 die fus da zeren ieren lib
 22a,35 des hat der tvfel linen spot
 22a,36 daz fie fa lebent wieder got
 22a,37 da miede fie sich krenken
 22a,38 vnde daz fie nit gedenken
 22a,39 an den aller ersten stam
 22a,40 wie vnser vater her adam
 22a,41 vnde eva vnser muder
 22a,42 wie fie auch got der gvder
 22a,43 bekleidete mit prife
 22a,44 da vz deme paradise

- 22b,1 Sie det den engel driben
 22b,2 bí namen den zweín liben
 22b,3 auch keín gewant enwolde
 22b,4 got legen an von golde
 22b,5 von filber noch von fiden
 22b,6 noch famít an sich fníden
 22b,7 den pellín noch den schamelat
 22b,8 wen got befchit ín eine wat
 22b,9 alda den felben lvden
 22b,10 von wilder dyere hvden
 22b,11 Mít ruwen langen locken
 22b,12 gap er ín an zŵ rocken
 22b,13 da bí dut vns got ír kant
 22b,14 daz hohfertecliche gewant
 22b,15 der armen fele dut gar we
 22b,16 avch wil ich vch nŵ fagen me
 22b,17 ¶daz auch vil lvde daz malat
 22b,18 Mit namen ín den hvfen hat
 22b,19 daz wifzit mít warheiden
 22b,20 alfe ich vch wil befcheiden
 22b,21 des fult ir mír geleuben
 22b,22 daz fint die da ír leuben
 22b,23 kâmeren fthoben die palas
 22b,24 dar ín malent wifzit daz
 22b,25 beide frauwen vnde man
 22b,26 al fie mít armen vmme wan
 22b,27 fich· vnde da bí fprenzen
 22b,28 die wibín gelwen fwenzen
 22b,29 bereit von abenturen
 22b,30 Mit fidelín vnde tamburen
 22b,31 bofunen· harpen· liren
 22b,32 da bí auch nít en fíren
 22b,33 die mít den fchalmeien
 22b,34 rehte alfe fie danzen reien
 22b,35 ftant fie an den gelazen
 22b,36 die ros reht alfo fie grazen
 22b,37 ftent fie da bí vil bitter
 22b,38 vf ie daz ros eín ritter
 22b,39 ver wapent maníger leie
 22b,40 alfo zŵ eíme turneie
 22b,41 ver gadern vnde ftappen
 22b,42 vñ auch die wapen knappen
 22b,43 da bí vnde ír wartfríen
 22b,44 feth alfe ín eíner krien

 23a,1 die knappen fchrien nemít war
 23a,2 wie íz nŵ legit her vnde dar
 23a,3 diefe ritterliche fchar

- 23a,4 eín eclich hus bí namen gar
 23a,5 daz foliche zírde hat
 23a,6 daz hus ift da malat
 23a,7 foliche zírde werfent hín
 23a,8 die vch vnreynen mag den fin
 23a,9 Mít der vnkvfcheide gír
 23a,10 fa kwmít got def glaubit mír
 23a,11 al mít der kvfcheide drift
 23a,12 den fnor vnde alle ir eiter gift
 23a,13 ṽdribit vz den herzen gar
 23a,14 ¶¶ die kvfcheit sne wiz gefar
 23a,15 die kvfcheit die dvgent hat
 23a,16 daz fie die keínen vnflat
 23a,17 enlidit mít warheide
 23a,18 von der vnkvfcheide
 23a,19 ¶ Sie wil ie daz des herzen fín
 23a,20 al vnkvfcheit werfe hín
 23a,21 vzerliche vnde dauge
 23a,22 Ioch daz des herzen avge
 23a,23 avch habe da mit ichte
 23a,24 die keín fnorlich gefitte
 23a,25 ¶¶ Ioch daz der mvnt die zvnge
 23a,26 Mit keíner handelvnge
 23a,27 der fmeichenden vnkvfcheit
 23a,28 Mit keínen díngeñ fí bereit
 23a,29 ¶ daz sehen· horen· vñ daz gan
 23a,30 fal alle vnkvfcheit lan
 23a,31 daz wifzit al gemeíne
 23a,32 fa machit got vil reíne
 23a,33 den fín· den mvt· des herzen brvft
 23a,34 von der vnkvfcheide lvft
 23a,35 die der fele dvt gar we
 23a,36 ¶¶ z̃v deme vierden male wírkít me
 23a,37 die godeliche gnade
 23a,38 avch ín deme menfchen drade
 23a,39 alfe vns die glofe hie be feit
 23a,40 weme dírrē wlede wírdekeit
 23a,41 die da verflugit fam eín ftaup
 23a,42 hie gemachit habe davp
 23a,43 daz fín gehorde ligit nider
 23a,44 deme git fie got dan wíder

 23b,1 Sa er hie prubit ebene
 23b,2 die w̃lit an írme lebene
 23b,3 wiedaz ír dun vñ auch ír dat
 23b,4 die keine ftedekeit en hat
 23b,5 ¶ bí namen alle lvde
 23b,6 daz fagen ich vch hvde

- 23b,7 den dírre werlde frolichkeit
23b,8 liebet vf mínen eit
23b,9 die horent node godis wort
23b,10 an allen enden hie vnde dort
23b,11 die felben dauben grífen
23b,12 vil lieber horent pífen
23b,13 da mit den schalmeien
23b,14 die denze vnde auch die reien
23b,15 vf fhahen mit tamburen
23b,16 en liebit daz balvren
23b,17 nŋ follit ir des glauben
23b,18 daz von den felben dauben
23b,19 hat gesprochen ſa ich las
23b,20 dvrch godis mvnt yſaías
23b,21 “wer mag andírs wesen daup
23b,22 ſam ein dvnne dvrriz laup
23b,23 wen die ich zŋ den han gefant
23b,24 die míne boden gvt ír kant
23b,25 die werden predígere
23b,26 von den fie míne lere
23b,27 werliche lernen folden
23b,28 vnde ir nít horen wolden”
23b,29 ¶ die fvnfte ſache daz íft die
23b,30 daz ín deme menſchen wírkít hie
23b,31 der fŷze mīneclíche got
23b,32 ſa wen der zwífil hat gedot
23b,33 daz mīt der hoffenvnge den
23b,34 got lezit wieder vf ír ſten
23b,35 ¶ die fvnde vnde auch der tufil
23b,36 die gent folichen zwífil
23b,37 der vil felen hat geſchant
23b,38 vñ ín den helle grvnt gefant
23b,39 ¶ rethe alſe eín ſicher menſche ligít
23b,40 vñ auch folicher krankheit pligit
23b,41 vñ daz da zeichenliche fit
23b,42 der arzit daz der menſche nít
23b,43 der fvchede hie genefen kan
23b,44 alfoliche ſchade lit dar an
- 24a,1 der fele die den zwífel hat
24a,2 daz ír moge vmer werden rat
24a,3 ¶ vil lvde hant den zwífil
24a,4 daz dvt der leide tufil
24a,5 vnde ír vil groze míſſedat
24a,6 die ír lib da begangen hat
24a,7 daz fie gedenkínt maníg zil
24a,8 “der míner fvnden íft ſa vil
24a,9 daz mír der here

24a,10 vergibit n̄mer mere”
 24a,11 ¶¶dvt hín den zwifelichen ſtoz
 24a,12 kein fvn̄de en wart noch nie fa groz
 24a,13 die fvn̄de fi an alle zil
 24a,14 der fvn̄den wart noch nie fa vil
 24a,15 die fvn̄de en wart noch nie fa breit
 24a,16 die godis barmherzekeit
 24a,17 fi grozer vnde breider
 24a,18 vnde ferren weg gereider
 24a,19 ín ruweclichem lebene
 24a,20 die fvn̄de z̄v̄ vergebene
 24a,21 wie vil ír fi wie ſwere
 24a,22 dan mîttén ín deme mere
 24a,23 ein genſterlín von eſchen
 24a,24 avch moge da ver leſchen
 24a,25 ¶des ſal ein eclich zv̄nge
 24a,26 hie ganze hoffenvnge
 24a,27 auch han z̄v̄ kriſte
 24a,28 ín aller ſíner friſte
 24a,29 die er v̄f erden leben mag
 24a,30 er ſal got biden naht vnde dag
 24a,31 daz er eme wolle geben
 24a,32 ein ruwelichíz leben
 24a,33 vmme alliz daz er ie gedet
 24a,34 Sa z̄v̄ hant hat ſín gebet
 24a,35 got ver horit an allen wan
 24a,36 waz er dan fvn̄den hat began
 24a,37 v̄n die verſmelzent alſe ein fne
 24a,38 got ír gedenkit n̄mer me
 24a,39 ¶¶die ſeſte ſache iſt fa gefar
 24a,40 daz ín deme menſchen gar
 24a,41 wirkit daz fi vch geſeit
 24a,42 Mit ſíner gnade ſelekeit
 24a,43 alſe ich vch n̄v̄ beſcheiden wil
 24a,44 Man findit lv̄de harte vil

24b,1 die denkint fa dír iſt gegeben
 24b,2 daz d̄v̄ ſalt haben langíz leben
 24b,3 ¶durch diſen eſſenlichen wan
 24b,4 fa ſvlt ír wiſzen daz ſie lan
 24b,5 manege dugentliche dat
 24b,6 ír mvt an boſheit ſich ge lat
 24b,7 ín eris libis ívgende
 24b,8 des werdent ſie an dugende
 24b,9 alſo íemerlichen arm
 24b,10 daz ſie den ſelen kalt noch warm
 24b,11 nv̄ſniht hant z̄v̄ gebene
 24b,12 von dugentliche lebene

- 24b,13 daz wol die fele spifit
 24b,14 dit folg des vnder wifit
 24b,15 vnser lieber herregot
 24b,16 daz sie hie miede sin gebot
 24b,17 verbrechent fvnder alle not
 24b,18 dar noch fvrligit in den dot
 24b,19 krift daz sie sollen sterben
 24b,20 dar noch dut sie got werben
 24b,21 noch deme hymelriche
 24b,22 got dut sie werben gliche
 24b,23 noch gvden werken gerne
 24b,24 al zv des lebens erne
 24b,25 der ewekeide laden kan
 24b,26 Svs frauwen vnde man
 24b,27 vil lvde sint vf erden
 24b,28 die da ie wollent werden
 24b,29 auch me dan alt der iare
 24b,30 dar vme sie auch zware
 24b,31 vsumment gvder werke frvht
 24b,32 Solichen lvdn godis zvht
 24b,33 vnderwilen sendet in
 24b,34 godis gnade in eren sin
 24b,35 daz sie von frecken ruwig stan
 24b,36 daz sie sa vil gefvndit han
 24b,37 die forthe dut sie wiczig
 24b,38 des geiftis sa in hiczig
 24b,39 daz in gibit groze sterke
 24b,40 da von sie gvder werke
 24b,41 gar dvgentlichen famen
 24b,42 in v kriftis namen
 24b,43 hie fewent vf der erden
 24b,44 der in mvz nvcze werden
- 25a,1 in deme himelriche
 25a,2 da sie in eweliche
 25a,3 Mit frauden sniden sollen
 25a,4 Mit aller eren follen
 25a,5 I Iwelichen famen wifze krift
 25a,6 vf der erden hie des menschen list
 25a,7 fewit in sinen ziden
 25a,8 des frvht sal er dort sniden
 25a,9 da von sa wefit wacker
 25a,10 dvrch buwit vwen acker
 25a,11 Mit gvder handelunge
 25a,12 halt in in rehter dvnge
 25a,13 gvden famen werfit drvf
 25a,14 sa get er sicherlichen vf
 25a,15 I scheidit dar vz den raden

25a,16 der guden frvhte schaden
25a,17 werliche er brengit dicke
25a,18 vnde auch die vogilwicke
25a,19 der hvndifdille kaczenzagil
25a,20 dit vncrvt ift gar ein hagil
25a,21 der gvde frvht vernihtit
25a,22 daz vngedrude flichtit
25a,23 Fvr sich da vmmer mere
25a,24 des fal man ieme fere
25a,25 vnde festelichen weren
25a,26 wil man die frvht generen
25a,27 Iddit mag man dvn vil gerne
25a,28 fa iz gat an die erne
25a,29 wes acker dan richliche ftat
25a,30 vnde vngedrdis nit en hat
25a,31 fa frauwit sich der mensche dan
25a,32 daz er den acker ie gewan
25a,33 Iwaz diese rede dvde
25a,34 daz wil ich fagen hvde
25a,35 den lvdn algemeyne
25a,36 eyn edlich mensche reyne
25a,37 des herze dvgentliche dvt
25a,38 bedudit disen acker gvt
25a,39 IIder ruweliche fmerze
25a,40 den auch ein ruwig herze
25a,41 hie dreit zv aller stvnde
25a,42 vmme fine groze fvnde
25a,43 bedudit vns die dvnge
25a,44 den feuer wol die zvnge

25b,1 bedudit vnf vnde auch ir ort
25b,2 Ider fame dudit godis wort
25b,3 den auch die zvnge her vndar
25b,4 fewit in den acker gar
25b,5 Mit dvgentlichis herzen zvht
25b,6 fa dudit vns die gvde frvht
25b,7 aller gvden werke dat
25b,8 die der mensche hie begat
25b,9 IISa dudit vns mit warheit
25b,10 der bv des menschen arbeit
25b,11 Mit gvder bilde laste
25b,12 die venie vnde die faste
25b,13 da an iz blibit stede
25b,14 Mit andaht an gebede
25b,15 an dvgentlicher wache
25b,16 vnde da bi deme gemache
25b,17 Festeliche wieder ste
25b,18 waz fal nv lange rede me

- 25b,19 wer dife dīng dvt alle mal
 25b,20 der buwit difen acker wal
 25b,21 ¶ Sa dvidit vns der rade
 25b,22 der fvndecliche fchade
 25b,23 der dicke guder werke fat
 25b,24 werliche gnv̄g verderbit hat
 25b,25 ¶¶ daz crut die fogilwicke
 25b,26 die weſſit vf ſa dicke
 25b,27 daz ſie v̄ ſamene hangit
 25b,28 waz ſie da von belangit
 25b,29 der frvht alle ir glieder
 25b,30 die zvhit ſie der nieder
 25b,31 wolt ir n̄ wifzen hvde
 25b,32 waz vnf dit crut bedude
 25b,33 die boſe vogilwicke
 25b,34 iz ſint die augenblicke
 25b,35 die man auch her vnde dar
 25b,36 werfent an die frauwen gar
 25b,37 die frauwen wieder an die man
 25b,38 wifzīt fvnder allen wan
 25b,39 daz ſo die vogilwicke
 25b,40 Ich meynen die avgen blicke
 25b,41 bī namen dicke hant ver drvht
 25b,42 der werden kvfekeide frvht
 25b,43 ¶ Sa ſagen ich vch vber lvt
 25b,44 des fvren hvndifdillīs crvt
- 26a,1 bi namen da daz waffen wil
 26a,2 da wirt ſīn alfo v̄ber vil
 26a,3 daz er die keīne gvden fat
 26a,4 n̄mer me vf k̄men lat
 26a,5 ¶¶ n̄ prvbit alle hvde
 26a,6 waz vns dit crvt bedvde
 26a,7 der fvre hvndifdille
 26a,8 iz iſt der eigen wille
 26a,9 den got deme menſchen hat v̄lan
 26a,10 w̄ deme willen noch wil gan
 26a,11 Mit der folge zv allir zil
 26a,12 da wirt der fvnden alfo vil
 26a,13 daz keīne dvgentliche dat
 26a,14 der menſche n̄mer me begat
 26a,15 der hvndifdille iſt vch bedvt
 26a,16 ¶ der kacenzagil daz vncrvt
 26a,17 wil ich beduden alle fart
 26a,18 der kacenzagil hat den art
 26a,19 daz er īn ganzer ſlithe
 26a,20 weſit vf die rithe
 26a,21 ſchone gnv̄g iſt ſīn blvt

26a,22 vnde ist da bi z^o nvde gvt
 26a,23 der kacenzagil wa er stat
 26a,24 der derrit alle gvde fat
 26a,25 von finer angeboren art
 26a,26 des dvidit er die hohfart
 26a,27 bi namen daz fi vch gefeit
 26a,28 fa wifzit daz die hohfartekeit
 26a,29 en nvczit da z^o nihte
 26a,30 doch dvnkit fie die rihte
 26a,31 daz ir da ieman wefe glich
 26a,32 fvr alle lvde wil fie sich
 26a,33 ir heben vmmer mere
 26a,34 in idelicher ere
 26a,35 hoh vf fa weffit ir der mvt
 26a,36 alfe auch der kacenzagil dvt
 26a,37 der da mit finer vngenvht
 26a,38 verderbit alle gvde fruht
 26a,39 ¶ In glicherwis hohfertekeit
 26a,40 ver derbit vf minen eit
 26a,41 gar alle dvgentliche dat
 26a,42 die man mit hohfart hie begat
 26a,43 daz fie vor gode hei ia hei
 26a,44 en golden nit ein halbiz ei

26b,1 ¶ n^o lat vnf alle biden krift
 26b,2 durch finen godelichen list
 26b,3 durch fine grozen gvde
 26b,4 daz er vns gar behude
 26b,5 vnde alle gvde lvde
 26b,6 vor difeme vngecrvde
 26b,7 daz alfo grozen schaden dut
 26b,8 an der vil reynen frvhte gut
 26b,9 die man noch dodis ziden
 26b,10 fal woneclichen fniden
 26b,11 Mit frauden ewecliche
 26b,12 amen· in deme himelriche

159a,15 In die **parafceue** signa que
 159a,16 fiebant in passione domini
 159a,17 Die zeichen ich vch alle sage
 159a,18 die vffe deme selben dage
 159a,19 geschahen da der hre zart
 159a,20 durch vnser heil gedodit wart
 159a,21 ¶ daz erste zeichen daz geschach
 159a,22 fa die glofe mir ver iach
 159a,23 daz waf daz al ertriche
 159a,24 alfo gar engifliche
 159a,25 er bibete vor der grozen not

159a,26 da vnfer herre leit den dot
 159a,27 ¶ daz ertbiben groz gedan
 159a,28 bedudit vnf an allen wan
 159a,29 der reinen herzen forhte
 159a,30 noch def ppheten worte
 159a,31 vn der da hat gesprochen hie
 159a,32 alfe ich vch wil bescheiden wie
 159a,33 "godis forhte mit warheit
 159a,34 Ist anevang der wifheit"
 159a,35 ¶ die fvnne al vf den selben dag
 159a,36 alfe ich mit warheit sprechen mag
 159a,37 vlos auch ieren claren schin
 159a,38 daz dvdt vf die druwe min
 159a,39 daz man die cranken wlit fal
 159a,40 vmehen weiz got al zv mal
 159a,41 ¶ da vor vone fante Iohan
 159a,42 gesprochen hat der reine man
 159a,43 "w die wlit minnit gar
 159a,44 vn ir mit vlize nimt war

159b,1 der in mag an allen wan
 159b,2 zv gode keine liebe han"
 159b,3 ¶ des selben dagif die steine
 159b,4 zv rizen al gemeine
 159b,5 von ein ander wifze krift
 159b,6 da miede vnf auch bedudit ist
 159b,7 daz wifzit die bedrvbekeit
 159b,8 die da ein drvrig herze dreit
 159b,9 von der fvndeclichen dat
 159b,10 die fin lib hie begangen hat
 159b,11 ¶ da von auch dauid
 159b,12 In deme felter aluf qvid
 159b,13 "fa eins bedrvbeten mēschē mṽt
 159b,14 got hre dir fin opfer dvt
 159b,15 daz herze daz den ruwen hat
 159b,16 vnde demvdecliche stat
 159b,17 daz en wolle lieber got
 159b,18 niht verfmahen din gebot"
 159b,19 ¶ al vf den namelichen dag
 159b,20 fa ich die warheit sprechē mag
 159b,21 der greber sich da gnṽg enfloz
 159b,22 der doden von der martel groz
 159b,23 die leit der minen drvt
 159b,24 da miede fa ist vnf bedvt
 159b,25 des reinen hzen bihte gvt
 159b,26 die hie der mvnt mit ruwē dvt
 159b,27 ¶ der apostel Iacobus
 159b,28 da von gesprochen hat alfs

159b,29 “der ein deme andern bihten fal
 159b,30 die fvnde fin daz k̄vmit wal”
 159b,31 n̄v bihtit al gemeine
 159b,32 daz dut vch fvnden reine
 159b,33 Ꝛ auch vf daz nameliche zil
 159b,34 ftvnden vf der doden vil
 159b,35 von der vil engellichen not
 159b,36 da vnser herre leit dē dot
 159b,37 der doden vf erstende
 159b,38 die da an criftis ende
 159b,39 geschach mit wonderlich̄ lift
 159b,40 da miede auch vnf bedudit ift
 159b,41 daz got auch alle missdat
 159b,42 dem mēfchen gar vgeben hat
 159b,43 der fvndeclichiz leben
 159b,44 Fvr baz me wil begeben

160a,1 Sa daz die corper gar
 160a,2 vf die felben zit daz ift war
 160a,3 erschienen da den lvden
 160a,4 da miede wil vns beduden
 160a,5 der glofen meifter daz vnf got
 160a,6 vñ fin vil bitterlicher dot
 160a,7 der grimen helle hat erloft
 160a,8 Sín mīldekeit hat vnf gedroft
 160a,9 daz wir gar ficherliche
 160a,10 z̄v deme h̄ymelriche
 160a,11 Mit warheit k̄vmen follen
 160a,12 obe wir iz behalden wollen
 160a,13 ꝚꝚ Noch me verhorit hvde
 160a,14 waz auch vnf n̄v bedvde
 160a,15 daz ammīt daz die Criftenheit
 160a,16 vf den felben dag begeit
 160a,17 Ꝛ In der kīrchen der altar
 160a,18 bedudit m daz ift war
 160a,19 Sa bi des altaris gewant
 160a,20 is ivngeren fin benant
 160a,21 ꝚꝚ da krift s der herre zart
 160a,22 gefangen von den ivden wart
 160a,23 Sine ivngeren von der dro
 160a,24 von ieme flvhen alle do
 160a,25 daz dudit daz man den altar
 160a,26 von aller finer zierde gar
 160a,27 daz ift der kīrchin haubit
 160a,28 en blozit vñ beraubit
 160a,29 Ꝛ Sa man dan daelit an die bret
 160a,30 def man da vore níht en det
 160a,31 da miede vnf auch bedudit ift

- 160a,32 daz der vil ware h̄re krift
 160a,33 von der gar leiden ivden braht
 160a,34 wart v̄spottit durch die naht
 160a,35 da fīn īr arger wille plag
 160a,36 Sie fl̄v̄gen in vf fīnen nag
 160a,37 v̄n sprachen dan die veigen zagen
 160a,38 “wiflage wer hat dich geflagen”
 160a,39 ¶¶ al vf die namelichen zit
 160a,40 da die hohzit vffe lit
 160a,41 die glocken man nīt lvdit
 160a,42 da miede ift vnf bedudit
 160a,43 daz der ware herre krift
 160a,44 gevangen· dot· begraben ift

 160b,1 vf den dritten dag daz ift kvnt
 160b,2 des iach auch der zwelfboden mvnt
 160b,3 “gehoffit haden wir daz er
 160b,4 gewesen fvlde fīn auch der
 160b,5 der Ifrahel an allen wan
 160b,6 hie erlofit fvlde han”
 160b,7 ¶ Fvrbaz fa wifzit zware
 160b,8 Zwelf liht vf deme altare
 160b,9 die man al da gemeīne
 160b,10 v̄lefchit biz vf ēine
 160b,11 da miede auch vnf bedudit ift
 160b,12 da der ware herre crift
 160b,13 an deme frone Crvce erftarb
 160b,14 daz der glaube da verdarb
 160b,15 vnde auch die ware mīnne
 160b,16 die der zwelfboden fīnne
 160b,17 Z̄v o ir ieglicher drvg
 160b,18 da er īn auch die f̄vze twug
 160b,19 vf den gr̄vnen dvnerstag
 160b,20 da īr ieglicher fich īr wag
 160b,21 al z̄v der felben vrifte
 160b,22 z̄v fterbene mīt e
 160b,23 def fie ieme abe giengen
 160b,24 da īn die ivden viengen
 160b,25 ¶¶ def waren fie v̄lofchen gar
 160b,26 an deme glauben daz ift war
 160b,27 Ir keīner da fa ftede was
 160b,28 alfe ich īz īn der glofen las
 160b,29 der fvlle glavben wolde
 160b,30 daz folde
 160b,31 vf von deme dode erftan
 160b,32 der glaube waf vil gar vergan
 160b,33 an īn al da gemeīne
 160b,34 wan an der magit reīne

- 160b,35 die m m meit gebar
 160b,36 die waf ie vollen k̄vmen gar
 160b,37 an deme glauben wifze krift
 160b,38 da von auch vnf bedudit ift
 160b,39 Maria die vil reíne meit
 160b,40 bí der kerzen die man leit
 160b,41 v̄borgenliche bvrnen da
 160b,42 alfo die magit maria
 160b,43 waf def glavben frideschilt
 160b,44 den glauben fie vil gancz behilt
- 161a,1 In irme reinen herzen
 161a,2 reht alfe man an der kerzen
 161a,3 die da vil fchone burnit
 161a,4 die andern liht beginnit
 161a,5 enbvrnen die verlofchen fin
 161a,6 alfo al vf die druwe min
 161a,7 würden da an ir z̄v hant
 161a,8 die zwelfboden da in brant
 161a,9 an deme glauben reíne
 161a,10 vnde alle die gemeine
 161a,11 die da waren zwifelhaft
 161a,12 worden an def glauben kraft
 161a,13 ¶ da von die reine kriftenheit
 161a,14 daz heilig ammít n̄v beget
 161a,15 vf den famízdag von ir
 161a,16 Mit druwelichis herzen gir
 161a,17 Salve fancta parens ie
 161a,18 Man erit mít der fafte auch fie
 161a,19 Man fal fie eren daz ift reht
 161a,20 Iz fi der herre íz fi der kneht
 161a,21 Iz fi die frauwe íz fi die meit
 161a,22 war vmme· fie hat vnf bereit
 161a,23 daz wir bi deme glauben fin
 161a,24 auch bleben vf die druwe min
 161a,25 **In die fancto pafce**
 161a,26 Maria magdalena ꝛ maria Ia[cobi]
 161a,27 Bi den drien wiben reíne
 161a,28 folle wir n̄v algemeíne
 161a,29 dri hohe dv̄gende verftan
 161a,30 die wir auch an vns follen han
 161a,31 da miede wir z̄v aller frift
 161a,32 vnfern h̄ren Ihefvm krift
 161a,33 geiftliche fvllen f̄vchen
 161a,34 der gnaden fín geruchen
 161a,35 alle zit vnde alle fart
 161a,36 rehte alfe er gef̄vchit wart
 161a,37 Libliche daz fi vch erkant

161a,38 von den drin frauwen for genant
 161a,39 ¶¶Nv wolde ich allen liden
 161a,40 vil gerne hie beduden
 161a,41 waz sie follen hie verftan
 161a,42 bi den drin frauwen wol gedan
 161a,43 ¶Maria magdalene
 161a,44 bi der fa ist bedudit hie

161b,1 die redeliche wifheit
 161b,2 wliche daz si vch gefeit
 161b,3 herze lieben brvdere min
 161b,4 waz mag grozer wifheit fin
 161b,5 wandaz ein mensche nimt war
 161b,6 aller finer fvnden gar
 161b,7 vnde erkennit sich al fa
 161b,8 daz iz got auch ir zvrnit ha
 161b,9 ¶¶waz auch vnf bedudit si
 161b,10 bi marien Iacobí
 161b,11 daz wirt vch hie von mir gefeit
 161b,12 Sie bedudit reinekeit
 161b,13 alfe ich die glofen han gelesen
 161b,14 waz mohte reiner dan wesen
 161b,15 wandaz die fvndeclichen dat
 161b,16 der mensche willecliche lat
 161b,17 ¶Sa maria falome
 161b,18 von der vch ist gefaget ·e·
 161b,19 die bedudit rehtekeit
 161b,20 wliche daz si vch gefeit
 161b,21 herze lieben kinder fin
 161b,22 waz folde vmmer rehter fin
 161b,23 wandaz der mensche gode
 161b,24 al noch der ·e· gebode
 161b,25 bvze sine miffedat
 161b,26 die auch der lib begangen hat
 161b,27 ¶¶die dri reinen wib ie fa
 161b,28 kauften auch aromatha
 161b,29 vf die namelichen vrift
 161b,30 daz sie den waren herren krift
 161b,31 wolden mit der falben
 161b,32 bestrichen allenthalben
 161b,33 ¶Magdalena die gvde
 161b,34 Mit ruwelichem mvde
 161b,35 vmme eris hren werren
 161b,36 fa kavfte sie den merren
 161b,37 der bitter ist en druwen
 161b,38 der merre vns auch den ruwen
 161b,39 bedudit vnde nennit
 161b,40 wanne der mensche er kennit

161b,41 Sine grozen miffedat
 161b,42 die hie der lib begangen hat
 161b,43 Sa wird der mensche leídig gar
 161b,44 In fíme herzen daz íft war

162a,1 Maria Iacobí ie fa
 162a,2 den aloes auch kaufte da
 162a,3 der hat vil grozer bitterkeit
 162a,4 wlichen daz fi vch gefeit
 162a,5 wan der mirre vor genant
 162a,6 der aloes vil gvt erkant
 162a,7 bedudit vns die bihte gvt
 162a,8 die man da ruweliche dvt
 162a,9 der mvnt mit warer bihte lift
 162a,10 der vil vnreinen fvnden mift
 162a,11 die bihte gar verherit
 162a,12 daz herze wirt gekerit
 162a,13 auch von der bihte reine
 162a,14 von aller fvnden meine
 162a,15 ¶ Sa maria Salome
 162a,16 die ich vch han genennit ·e·
 162a,17 in warer minnen laufte
 162a,18 den balsamvm da kavfte
 162a,19 in der namelichen vrift
 162a,20 der balsame aller strengift íft
 162a,21 wliche daz fi vch gefeit
 162a,22 vor der vil grozen bitterkeit
 162a,23 die fin kraft an ieme hat
 162a,24 den corper niet fer fvlen lat
 162a,25 der balsame wonecliche gefar
 162a,26 bedudit vns die buze gar
 162a,27 daz wifzit al gemeine
 162a,28 von den drin stucken reine
 162a,29 wirt ein falbe gvt irkant
 162a,30 Ist penitencia genant
 162a,31 welich fvnder allenthalben
 162a,32 Sich fmerit mit der falben
 162a,33 des fele mvz genesen
 162a,34 des fvlt ir ficher wesen
 162a,35 von aller fvnden meine
 162a,36 al von der falben reine
 162a,37 ¶ Mit der selben falben
 162a,38 wart auch an allenthalben
 162a,39 bestrichen dauíd
 162a,40 des wart er aller fvnden qvid
 162a,41 ¶ Mit der selben falben zart
 162a,42 petruf auch gefalbit wart
 162a,43 des wart er fvnden ene

- 162a,44 ¶ Maria magdalene
- 162b,1 Mit der falben nit z^o weich
 162b,2 allenthalben sich beftreich
 162b,3 def ist sie worden reine
 162b,4 von aller svnden meine
 162b,5 ¶¶ die frauwen drí en druwen
 162b,6 giengen auch mit ruwen
 162b,7 da mit ein ander abe
 162b,8 Sie qvamen z^o deme grabe
 162b,9 vnde svchten da den waren krift
 162b,10 waz n^o hie bi bedudit ist
 162b,11 daz wil ich sagen vch z^o hant
 162b,12 vierleie lvde sint bekant
 162b,13 die svchen got mit eren vil
 162b,14 alfe ich vch n^o bescheiden wil
 162b,15 ¶ die einen svchen in gar fr^o
 162b,16 alfe ich vch wil bescheiden n^o
 162b,17 alfe auch dede fante Iohan
 162b,18 Baptista der vil reine man
 162b,19 der svchte en in der kintheit
 162b,20 wliche daz si vch gefeit
 162b,21 ¶¶ die andern alfe die svnne
 162b,22 vf gat in aller wunne
 162b,23 sa svchent sie den waren krift
 162b,24 da bi vns auch bedudit ist
 162b,25 daz sie mit aller dugende
 162b,26 got svchent in der ivgende
 162b,27 daz Iohannes wolde d^on
 162b,28 vnfers herren m^omen svn
 162b,29 ¶ Sa suchen in die dritten
 162b,30 Mit dugentlichen sitten
 162b,31 al z^o der selben stvnde
 162b,32 Mit herzen vnde mit m^onde
 162b,33 daz ist mit warer sage
 162b,34 al vor deme mitten dage
 162b,35 Ich meinen die da waren
 162b,36 noch vnder drizig iaren
 162b,37 Sam bartholomeuf hat gedan
 162b,38 der drizig iar auch mohte han
 162b,39 da er an godis dienist quam
 162b,40 vnde heilig leben an sich nam
 162b,41 ¶¶ die vierden z^o der none zit
 162b,42 qvamen alfe die glofe quit
 162b,43 daz ist mit warer sage
 162b,44 al noch deme mittem dage
- 163a,1 vnde svchen auch den waren krift

- 163a,2 bi der zit vnf bedudít ift
 163a,3 redelichis aldirts iar
 163a,4 alfe Petrus daz ift war
 163a,5 auch redeliche hade
 163a,6 da eme die godif gnade
 163a,7 alfo gar droftliche qvam
 163a,8 da er in zŷ eime ivngeren nam
 163a,9 ¶ die fvnften kŷmen ſpade
 163a,10 zŷ vnfers herren gnade
 163a,11 daz ift al vf def endis zil
 163a,12 alfe ich vch nŷ beſcheiden wil
 163a,13 alfe auch der ſchachman dede
 163a,14 da ſine bede
 163a,15 ŷhorte al an des crucis ſtam
 163a,16 vnde in zŷ finen gnaden nam
 163a,17 ¶¶ Seht alle die gerŷchen
 163a,18 daz ſie fo m fŷchen
 163a,19 die vindent auch den waren krift
 163a,20 der heiler aller fvnden ift
 163a,21 ¶ Sa dieſe wib hín abe
 163a,22 auch qvamen zŷ deme grabe
 163a,23 den corper ſie nit fvnden
 163a,24 den engel zŷ den ſtvnden
 163a,25 die frauwen fvnden da mit ein
 163a,26 von deme grabe waf der ſtein
 163a,27 gewelgit zŷ den ſtvnden
 163a,28 daz dŷch da ín gewonden
 163a,29 der lichame criftif was
 163a,30 daz fvnden ſie da alfe ich las
 163a,31 ¶¶ vil herzen lieben lvde
 163a,32 waz hie der engil dvde
 163a,33 daz ſagen ich vch drade
 163a,34 er dudít gotif gnade
 163a,35 die auch der menſche findit
 163a,36 der ſich def vnder windit
 163a,37 daz er auch gode dienen wil
 163a,38 deme gibit er grozen gnaden vil
 163a,39 ¶ Sa def ſteinis hertekeit
 163a,40 vñ daz grab fi vch geſeit
 163a,41 die bedudent vns vil gar
 163a,42 des menſchen hŷze daz ift war
 163a,43 ¶¶ auch ſvlt ír wiſzen daz mít ein
 163a,44 der engil welzit dan den ſtein

 163b,1 von deme grabe drade
 163b,2 wanne die godif gnade
 163b,3 die hertekeit der fvnde
 163b,4 al vz def herzen grvnde

- 163b,5 Mit warer bihte zvhit
 163b,6 Sa daz daz menſche ſchvhit
 163b,7 Fvrbaz me die miſſedat
 163b,8 da von alſvs geſchriben ſtat
 163b,9 “I von vch wil ich enphirren
 163b,10 die ſteinen herzen firren
 163b,11 daz ir auch werdit reine
 163b,12 vnde aller ſvnden eine
 163b,13 daz vch min minne wde irkant”
 163b,14 alfo der engil vor genant
 163b,15 bewiſit vns daz ende
 163b,16 die ſtat mit finer hende
 163b,17 die vns ein reiniz herze gar
 163b,18 auch bedudit daz iſt war
 163b,19 II Sa ſvdarium daz cleit
 163b,20 da der corper in geleit
 163b,21 vnſers lieben hren was
 163b,22 daz kleit bedudit alſe ich las
 163b,23 daz bedrubecliche leben
 163b,24 daz gvden lvdn iſt gegeben
 163b,25 I In dirre wlede wilde
 163b,26 in glicherwis der milde
 163b,27 der reine zarte Iheſus
 163b,28 zv en allen ſpricht ſvs
 163b,29 “II nv wiſit der mir dienen wil
 163b,30 beide nv vnde alle zil
 163b,31 vn der ſich wil an mich gelan
 163b,32 der ſal ein reiniz herze han
 163b,33 er ſal zv allen ziden
 163b,34 durch minen willen liden
 163b,35 bedrubekeit der werlede gar
 163b,36 beide ſtille vnde vffenbar”
 163b,37 In octaua paſche
 163b,38 Cvm eſſet fero die illa
 163b,39 [w]olt ir der rede loſen
 163b,40 ſa wil ich vz der gloſen
 163b,41 vch weiz got ſagen hvde
 163b,42 waz der cenakel dude
 163b,43 II Cenaculum daz iſt ein bv
 163b,44 deſ glaubit mir bi miner drv

 164a,1 der mit vil menſchlicher liſt
 164a,2 gar hohe da gefeczit iſt
 164a,3 I Iz bedudit vnf da bi
 164a,4 Ein herze daz da ſvnden fri
 164a,5 Iſt vnde auch wil werden
 164a,6 vnde daz da von der erden
 164a,7 erhaben in deſ hymeliſ thron

- 164a,8 Ift· alfe die apostolon
 164a,9 ¶¶ weiz got waren vñ fint
 164a,10 da von fa sp^ach vil lieben kint
 164a,11 h'ie der zwelfboden zvngē
 164a,12 "al vnfer wandelvngē
 164a,13 fal in deme h̄ymelriche wesen"
 164a,14 also han ich von ín gelesē
 164a,15 ¶ wolt ir v̄horen n̄v da bi
 164a,16 waz auch vns bedudit fi
 164a,17 bi is ivngern reyne
 164a,18 daz sage ich vch gemeyne
 164a,19 ¶¶ Sie bedudent gliche
 164a,20 daz wifzit ficherliche
 164a,21 die hohen dvgende ane wan
 164a,22 die sie vf erden han gedan
 164a,23 w̄liche daz si vch gefeit
 164a,24 gehorfam vnde kv̄schekeit
 164a,25 demv̄dekeit mit milde
 164a,26 vñ aller dvgende bilde
 164a,27 ¶ die sie vf erden hant gedragen
 164a,28 w̄liche n̄v wil ich vch sagen
 164a,29 daz wir mit dvgenden follē
 164a,30 v̄ dienen obe wir wollen
 164a,31 daz wír al hie vf erden
 164a,32 auch criftif ivngern w̄den
 164a,33 ¶¶ die dv̄re an deme cenacule
 164a,34 die auch mit deme obftacule
 164a,35 beflozzen weren gliche
 164a,36 daz wifzit ficherliche
 164a,37 beide vzene vnde inne
 164a,38 bedudent sie fvnf finne
 164a,39 die da verlvhen hat
 164a,40 deme menfchen finer hantgedat
 164a,41 ¶ die finne ich vch wil nennen
 164a,42 obe ir sie wolt erkennen
 164a,43 die fvnf finne fint genant
 164a,44 alfe ich vch sagen wil zv̄ hant
- 164b,1 ¶¶ Iz ift auch fmacken drehen
 164b,2 daz horen vñ daz fehen
 164b,3 vnde auch da bi daz grifen
 164b,4 den hord vil ficherlichen
 164b,5 der menfche fal behalden
 164b,6 Mit grozer wilheit walden
 164b,7 behalden vñ fliezen
 164b,8 daz sie eme it vz fliezen
 164b,9 zv̄ der fvnden v̄ppekeit
 164b,10 die da auch zv̄ der hellen dreit·

164b,11 ¶ Sa dvent vnf die ivden
 164b,12 der leiden helle ruden
 164b,13 Ich meinen die dñfelichen fchar
 164b,14 die vnfer werke nemen war
 164b,15 vil gar an allen enden
 164b,16 vfdaz sie vns entwenden
 164b,17 von dvgentlichen werken
 164b,18 dit lat vns alle merken
 164b,19 ¶¶ Sa daz wir vnfer dñre
 164b,20 auch wieder vnde fñre
 164b,21 besliezen vnfer finne
 164b,22 Mit godelicher minne
 164b,23 daz der bosen dñfele kraft
 164b,24 an vns it werde fígehaft
 164b,25 ¶ Fñr war ich vch nñ kvnden
 164b,26 die ír hvs for den fvnden
 164b,27 alfus besliezen alle zil
 164b,28 Mit beslofzen dñren wil
 164b,29 auch vnfer herre ihesus
 164b,30 zñ en da kñmen ín ír hvs
 164b,31 ¶¶ Ich meinen ín írs herzen dvm
 164b,32 daz da íft daz cenaculvm
 164b,33 von deme ich vch ·e· han gefeít
 164b,34 daz e also wol beheit
 164b,35 daz er da ínne vns wonít miede
 164b,36 er sprichit “mínen steden friede
 164b,37 Mit willen ich vch kvnden”
 164b,38 des folle wir den fvnden
 164b,39 festecliche wieder stan
 164b,40 wollen wir got bí vnf han
 164b,41 ín libe hie· noch dode dort
 164b,42 fa behaldit diese wort
 164b,43 ¶ wolt ir nñ wifzen auch da bí
 164b,44 waz vnf da miede bedudit fí

165a,1 daz vnfer hñre krift
 165a,2 Mit flozhaften dñren íft
 165a,3 zñ den ivngeren sñn gegán
 165a,4 daz dudít wan wir enftán
 165a,5 von dode al vf den lesten dag
 165a,6 des niemā vñber wesen mag
 165a,7 der menfche der da bliben fol
 165a,8 Mit gode deme íft harte wol
 165a,9 des lib wirt fa behende
 165a,10 daz er durch alle wende
 165a,11 dvrch stahel· yfen· steíne
 165a,12 avch ferit al gemeíne
 165a,13 ¶¶ weren alle berge ein berg

- 165a,14 vñ wer er dan ein stahil werg
 165a,15 vñ wer dan noch fa dicke
 165a,16 in einem avgen blicke
 165a,17 der lip dar dũrch doch kerte
 165a,18 in irrit keine herte
 165a,19 ¶ dit wonder mensche merke
 165a,20 Sie in irrit keine fterke
 165a,21 die kvrze noch die lenge
 165a,22 die wide noch die enge
 165a,23 die hohe· dvfe· bloze
 165a,24 die cleine noch die groze
 165a,25 ¶¶ die breide noch die dicke
 165a,26 noch keiner hande ftricke
 165a,27 die crvmme noch die flihte
 165a,28 die ferre noch die rihte
 165a,29 fravde· drvren· lieb· noch leit
 165a,30 da von auch vns die glofe feit
 165a,31 ¶ der lip noch der vf erstende
 165a,32 avch wirt fa gar behende
 165a,33 gepurit vnde gereinit
 165a,34 in gode fa vereinit
 165a,35 daz fie an rechter wunne
 165a,36 wirdit clarer dan die fvnne
 165a,37 ¶¶ dit ist des fader wille
 165a,38 Svbtill sam ein cintille
 165a,39 der ist lip vnde fwinde
 165a,40 er gat fvr alle winde
 165a,41 keiner hande leit noch we
 165a,42 Mag en gervren nvmmer me
 165a,43 nieman mag erzvrnen
 165a,44 keyn fvr en kan verburnen

 165b,1 noch wazzer in erdrenken
 165b,2 nieman en kan gedenken
 165b,3 daz man den lip erfterben
 165b,4 Moge noch verderben
 165b,5 er fal dan leben fvnder leit
 165b,6 Mit gode in finer ewekeit amen
 165b,7 **Dō feda post pascha**
 165b,8 Ego fvm paftr bonvs
 165b,9 [n]v wolde ich durch der lvde heil
 165b,10 vz der glofen gerne ein deil
 165b,11 Reden obe ich kvnde
 165b,12 dvrch daz daz folg die fvnde
 165b,13 zv allen ziden flvhe
 165b,14 vnde sich zv gode zvhe
 165b,15 ¶¶ daz ih qvit von hymelrich
 165b,16 “ein vil gvt hirte fa bin ich”

165b,17 bi deme worte gvt gedan
 165b,18 zwa fache fal man pr̄ben an
 165b,19 ¶z̄v deme erſten daz der herre ḡvt
 165b,20 Sich ſelben einen hirten d̄vt
 165b,21 ¶¶z̄v deme andern male daz er da qvit
 165b,22 daz er die lvde z̄v aller zit
 165b,23 nennit ſine ſchefelin
 165b,24 die da auch in gehorſam ſin
 165b,25 alſe er ſelber ſpricht do
 165b,26 in deme ewangelio
 165b,27 “¶Mine ſchaf vil gvt er kant
 165b,28 M̄ine ſtimme wol verſtant”
 165b,29 vnde daz ſich kriſt der heilant
 165b,30 einen hirte hat genant
 165b,31 Siner reinen ſchafe ḡvt
 165b,32 d̄rch dri fache er daz d̄vt
 165b,33 ¶¶der ich vch wil beſcheiden
 165b,34 daz iſt daz er kan weiden
 165b,35 wol ſine ſchaf der milde
 165b,36 in dirre werlede wilde
 165b,37 Mit drierhande ſpiſe
 165b,38 die ich vch wol bewiſe
 165b,39 ¶die erſte weiße v̄n auch die nar
 165b,40 die er da ſinen ſchafen gar
 165b,41 gibit f̄vr die hvnger not
 165b,42 daz iſt d̄t libliche brot
 165b,43 da vone fante Iohan
 165b,44 Sprichit der vil reine man

166a,1 ¶¶Daz vnſer lieber h̄re nam
 166a,2 daz brot alſe ſinen gnaden zam
 166a,3 von ein ander er iz brach
 166a,4 den geſen er dar vber ſprach
 166a,5 vnde gab iz ſo der wiſe
 166a,6 den ivngerin ſin z̄v ſpiſe
 166a,7 ¶daz ander brot ich reide
 166a,8 die ſpiſe v̄n auch die weiße
 166a,9 die er da ſinen ſchafen git
 166a,10 hie f̄vr den hvnger alle zit
 166a,11 daz iſt die heilige lare ḡvt
 166a,12 da miede er ſie ſpiſen d̄vt
 166a,13 die heiligen prediere
 166a,14 Mit godelicher lere
 166a,15 da von hat geſprochen fvs
 166a,16 Sanctus matheus
 166a,17 “¶¶Al an deme brode reine
 166a,18 daz menſche niet aleine
 166a,19 en lebit n̄t mit warer dat

166a,20 wan von deme worte daz da gat
 166a,21 vz vnfers herren mvnde gar
 166a,22 daz gibit der fele riche nar”
 166a,23 ꝛ die dritte weide vñ auch daz brot
 166a,24 da miede die schaf auch spifit got
 166a,25 daz ist der lobefame
 166a,26 gefenete lichame
 166a,27 da miede er die spife kan
 166a,28 Cristis mvmen fvn Iohan
 166a,29 Sprichit von deme brode do
 166a,30 in deme ewangelio
 166a,31 “ꝛꝛ die rechten warheit wifzit
 166a,32 Iz si dan daz ir ezzit
 166a,33 Fleifz des menschen fvnis gvt
 166a,34 vnde drinkit auch sin blvt
 166a,35 fa in mogit ir kein leben han”
 166a,36 wifzit fvnder allen wan
 166a,37 wen vnser herre Ihefvs
 166a,38 Mit sinem fleische spifit fvs
 166a,39 vñ drenkit mit deme blvde sin
 166a,40 die vz erwelten schefelin
 166a,41 ꝛ noch dirre fven weide gvt
 166a,42 der reyne hırte wol gemvt
 166a,43 dribit in sin schafhvs fie
 166a,44 daz schafhvs vns bedudit hie

166b,1 daz frone hymmelriche
 166b,2 daz in da eweliche
 166b,3 der fader da bereidit hat
 166b,4 von dirre gvden lvde dat
 166b,5 Sanctus matheus sprichit do
 166b,6 in deme ewangelio
 166b,7 “ꝛꝛ Ey gvder kneht gedruwe
 166b,8 an gvden dıngen nvwe
 166b,9 in dinis herren fraude gang
 166b,10 wan dir an druwe ie gelang”
 166b,11 ꝛ Iohan ewangelifte
 166b,12 Sprichit fa von křifte
 166b,13 “ꝛꝛ nie befzer hırte was noch ist
 166b,14 wan der ware hıre křift”
 166b,15 durch vnf wart he geleczt
 166b,16 die fele sin gefeczit
 166b,17 hat er fvr sine schefelin
 166b,18 Ich meıne daz er daz leben sin
 166b,19 vf gab da an des crvcis stam
 166b,20 křift daz osterliche lam
 166b,21 niht eine in wolde fehten
 166b,22 al hie fvr die gerehten

166b,23 daz er die gode brehte gar
 166b,24 er ftreit fvr aller mvder bar
 166b,25 Sie weren fvndig oder gṽt
 166b,26 vns alle hat ir loft fín blvt
 166b,27 vf die namelichen ftvnd
 166b,28 Mit eín erlofte er die frvnd
 166b,29 er lofte auch fíne fiende
 166b,30 an deme crvce fchriende
 166b,31 da er den fader fvr sie bat
 166b,32 geín finem fader er vns hat
 166b,33 ṽfṽnit gar der gṽde
 166b,34 mít finem blṽde
 166b,35 I ñv pr̃vbit alle drade
 166b,36 die ṽber grozen gnade
 166b,37 die grozen gabe an dirre frift
 166b,38 daz vnser herre Ihesvs krift
 166b,39 alfus geruchete fehten
 166b,40 al fvr die vngerehten
 166b,41 I I Fvr die viende eín frvnt
 166b,42 der h̃re fvr den kneht daz ift kvnt
 166b,43 got al fvr die lvde hat
 166b,44 der fchepfer fvr die hantgedat

167a,1 die fele fin vmme vnser leben
 167a,2 wolde willecliche geben
 167a,3 al von fin felbis willekvr
 167a,4 ñv folle wir vns fehen fvr
 167a,5 daz wir der grozen gnaden fchin
 167a,6 von fvnden it vnwirdig fín
 167a,7 vnde auch der grozen gabe
 167a,8 wir mṽzen legen abe
 167a,9 die fvnden gar vf erden
 167a,10 folle wir ir wirdig werden
 167a,11 al dort ín godis throne
 167a,12 Sitdaz fin felbis fone
 167a,13 nit en wolde fchonen got
 167a,14 er en mṽfte ie liden den dot
 167a,15 I I Ie fa dvn ich vch bekant
 167a,16 daz krift die lvde hat genant
 167a,17 Sine lieben fchefelin
 167a,18 gar alle die da gehorfam fín
 167a,19 I der gṽde menfche fprechen ich
 167a,20 deme fchafe glichit sich
 167a,21 dvr̃ch fvnf leie fache wol
 167a,22 der ich vch befcheiden fol
 167a,23 I I die erste fache die iz dreit
 167a,24 daz ift fín einfaldeckeit
 167a,25 da von daz gṽde fchefelín

- 167a,26 bekennit wol den hîrten fîn
 167a,27 Ꝛ die andern fache ír wîzen fîlt
 167a,28 daz ift werliche die gedult
 167a,29 die man die fchaf auch fihit dren
 167a,30 wie fere daz iz wîrt geflen
 167a,31 wie vil fmerzen im gefchit
 167a,32 fa in flehit iz doch wieder níht
 167a,33 ꝚꝚ die dritte fache ift daz fie fîn
 167a,34 gehorfam íe die fchefelin
 167a,35 irme rehten hîrte gar
 167a,36 vnde gebent irme herren nar
 167a,37 an mifte· an milche· an wollen
 167a,38 alfe fie z^o rehte follen
 167a,39 Ꝛ die fîerde ift daz iz fchvhit
 167a,40 daz fchaf den wolf hie fîvhit
 167a,41 Ich meínen die haubit fvnde gar
 167a,42 die auch die fele miffefar
 167a,43 Machit wont vnde da bí fir
 167a,44 daz fchaf daz ift ein edel dir
- 167b,1 daz fchefelin gar nvzlich ift
 167b,2 Iz brengit wollen vnde mift
 167b,3 vnde milch· gut ift fîn lon
 167b,4 alfo folle wir auch d^on
 167b,5 ꝚꝚ wir fîllen haben ruwen
 167b,6 den ich z^o mínen druwen
 167b,7 deme mifte vil wol glichen
 167b,8 n^o wifzit ficherlichen
 167b,9 alfo der mift hie dvngit
 167b,10 die reben vnde ir ivngit
 167b,11 daz fie auch werden berhaft
 167b,12 vnde der erden gibit kraft
 167b,13 daz fie brengit riche bl^ot
 167b,14 glicher wís der ruwe d^ot
 167b,15 er dríngit in mít fmerzen
 167b,16 vnde dvngít dvrrer herzen
 167b,17 fa daz fie werden berhaft
 167b,18 er gibit in foliche kraft
 167b,19 daz fie ír fvnde weínent
 167b,20 vnde fich von fvnden réinent
 167b,21 Ꝛ Fvrbaz me fi vch gefeít
 167b,22 die milch bedudit réínekeit
 167b,23 Ich meíne réíne k^ofchis leben
 167b,24 dar in der menfche fich fal geben
 167b,25 ꝚꝚ die milch ift auch von nature gar
 167b,26 daz wifzit wol fnewíz gefar
 167b,27 die ift aller flecken éíne
 167b,28 fie ift fa lange réíne

- 167b,29 Sa man fie wíz beheldit
 167b,30 vnde ír rechtliche weldit
 167b,31 ¶ Ey kv̄ther mensche fa me d̄v̄
 167b,32 der sich v̄bvnden hat dar z̄v̄
 167b,33 daz er kv̄fliche leben fol
 167b,34 vñ deme zímít weiz got wol
 167b,35 wil er der w̄ke wesen frí
 167b,36 fa fal er wesen auch da bí
 167b,37 vnk̄vfcher worte entladen
 167b,38 die dicke brengint schaden
 167b,39 Mit druwen ich daz raden
 167b,40 vnde wer da nit des braden
 167b,41 ezzen wil noch folle
 167b,42 daz der auch nít en wolle
 167b,43 Lecken hie des braden spifz
 167b,44 Sa blibit er an edewifz
- 168a,1 ¶ die rede ich also méine
 168a,2 vnde wer da wolle réine
 168a,3 ín rehter kv̄fche bliben
 168a,4 an mänen vnde an wiben
 168a,5 fa m̄zen fie ie weder fít
 168a,6 vnk̄vfcher rede wesen qvit
 168a,7 wib claffen affit mánis lib
 168a,8 die man fa wieder ie die wib
 168a,9 Mit claffe ín gewinnent
 168a,10 daz da w̄liche enbrinnet
 168a,11 der mīne f̄vr ír beider fín
 168a,12 Svs get ír kv̄fchis leben hín
 168a,13 ¶ ¶ n̄v̄ lat vch fagen follē
 168a,14 reht alfe man vz der wollen
 168a,15 vil gv̄de d̄v̄ch bereidit
 168a,16 da miede man becleidit
 168a,17 Ivncfrauwen· man· vñ auch die wib
 168a,18 vf der erden gar den lib
 168a,19 also becleidit gv̄de dat
 168a,20 die der mensche hie be gat
 168a,21 z̄v̄ h̄ymele dort die fele
 168a,22 Mit fancte michahele
 168a,23 Mit aller eren vollen
 168a,24 def glichit man die wollen
 168a,25 den dugentfamen werken
 168a,26 ¶ N̄v̄ wolle vnf alle fterken
 168a,27 krift von h̄ymelriche
 168a,28 daz wir fa dv̄gentliche
 168a,29 v̄ enden hie daz leben
 168a,30 daz er vns wolle geben
 168a,31 daz wir auch fīne fchefelín

- 168a,32 ewecliche m̃zen f̃in
 168a,33 in frauden ewekeit
 168a,34 die da der fader hat bereit
 168a,35 Abrahamis famen
 168a,36 in godis namen· Amen
 168a,37 **Domonica tercia poft pafcha**
 168a,38 Modicum ⁊ iam non videbiti[s]
 168a,39 [a]ch kvnde ich ñ en drinnen
 168a,40 den farg dan vz gewinnen
 168a,41 den richen fchacz der glofen
 168a,42 da von fa wolde ich kofen
 168a,43 in diefem ewangelio
 168a,44 der glofen meifter fprichit fo

 168b,1 daz wir dri fache follen
 168b,2 behalden vnbewollen
 168b,3 die fint vns gvt z̃v aller frift
 168b,4 die erfte fache weiz got ift
 168b,5 ¶ daz der hohe werde got
 168b,6 nit aleine finen dot
 168b,7 ṽkvnte vnde auch fin ende
 168b,8 wen auch fin vferftende
 168b,9 vnde dar z̃v auch fin h̃ymel fart
 168b,10 der h̃ymel fvrft zart
 168b,11 hatte lange vore hin
 168b,12 verkvndit finen ivngerin
 168b,13 ¶ daz ander vf die druwe min
 168b,14 Ift daz auch die ivngeren fin
 168b,15 is martelliche not
 168b,16 Schrieten· vnde finen dot
 168b,17 daz in der dvgende riche
 168b,18 vorfagete werliche
 168b,19 “Ir weinit ṽn fchriet mich
 168b,20 die w̃lit aber frauwit fich”
 168b,21 ¶ daz dritte ift daz fich frauwete
 168b,22 die w̃lit da fie fchauwete
 168b,23 da die martel leit
 168b,24 w̃liche daz fi vch gefeit
 168b,25 ¶ vnde da der herre ihesvs
 168b,26 Sprach z̃v finen ivngeren fvs
 168b,27 “wifzit daz gemeine
 168b,28 vber eine wile cleine
 168b,29 vwer keiner mich gefehen mag”
 168b,30 vf den gr̃vnen dunrftag
 168b,31 diſe wort er z̃v in ſprach
 168b,32 da man en mit in ezzen fach
 168b,33 ¶ Hie mide meinde er fa ich las
 168b,34 daz er noch ſime dode was

168b,35 begraben an den dritten dag
168b,36 Mit warheit ich daz sprechen mag
168b,37 “die wile en fehít ír niht mich
168b,38 anderwerbe sprechen ich
168b,39 vber eine cleíne wile gar
168b,40 fá fehít ír mích aber dar”
168b,41 dit méinde er als ich vch fen
168b,42 daz er auch ín den vierzig den
168b,43 noch fíner vferftende hie
168b,44 Ien dicke folden fehen fie

169a,1 “vnde dar noch fvlt ír ficher fín
169a,2 Sa far ich zŵ deme fader mín”
169a,3 ¶¶ daz der mīneclíche
169a,4 zŵ der zit auch liblíche
169a,5 zŵ dvnne fīnen ívngerén plag
169a,6 des pligit er noch allen dag
169a,7 vns zŵ dvnne daz íft war
169a,8 Mit geiftlichen fachen gar
169a,9 ¶ Ihesus sich da vnder dut
169a,10 vor fīnen lieben frvnden gŵt
169a,11 daz ín ír keínís auge fiht
169a,12 vñ aber von ír frvnſchaft níht
169a,13 von vil fachen fá íft daz
169a,14 alfe ich da ín der glofen las
169a,15 daz er sich hie niht lezít fehen
169a,16 der ich ein deil vch wil v̄iehen
169a,17 Iz íft daz ín keín avge wol
169a,18 Mag fehen noch en fol
169a,19 Fleifzliche daz fí vch gefeit
169a,20 ¶¶ daz ander daz hohfertekeit
169a,21 deme menſchen da vone qveme
169a,22 der fīnen got v̄neme
169a,23 al hie mīt der gefihtē
169a,24 daz íz auch wende die rihte
169a,25 Iz were von fīner wírde gar
169a,26 vñ v̄ber hvbe is sich daz íft war
169a,27 ¶ Got íft hie fīnen frvnden bí
169a,28 ftedecliche die sich frí
169a,29 von haubit fvnden halden
169a,30 der wil got felber walden
169a,31 ¶¶ Got gít ín notdorft vnde nar
169a,32 Got nīmít fīner frvnde war
169a,33 Got fīne frvnt geleídit
169a,34 Got sich von ín níet ſcheídit
169a,35 Got ſihit dich dŵ ſiech auch ín
169a,36 Sa dich beſcheíden wil mín fín
169a,37 Mit def glauben augen din

169a,38 Salt d̥ den godelichen schin
 169a,39 Sehen an z̥ aller vrift
 169a,40 d̥ falt glauben auch daz krift
 169a,41 Menfche wart dvrch dine not
 169a,42 glaube auch daz er den dot
 169a,43 d̥rch dich leit vnde ist erftan
 169a,44 von deme dode v̄n ist gegā

169b,1 vf z̥ fime fader wieder
 169b,2 v̄n der die werlit vmmer fieder
 169b,3 Mit finem vrone lichamen wert
 169b,4 gefp̄fit hat die fin begert
 169b,5 dar z̥ gedrenkit auch fin bl̄t
 169b,6 vnde noch dagelichis d̥t
 169b,7 Ꝛ d̥ falt des feften glauben han
 169b,8 daz krift her n̄der k̄m̄t dan
 169b,9 al vf des leften dagis mal
 169b,10 Sa hie die w̄lit enden fal
 169b,11 Sa fal er vrteil fprechen geben
 169b,12 gar vber alle die da leben
 169b,13 vnde die auch da erftvrben ie
 169b,14 d̄t f̄ch m̄t deme glauben hie
 169b,15 fa fihift d̥ den waren krift
 169b,16 der f̄vn des waren fader ist
 169b,17 in des h̄melrichis thron
 169b,18 vnde der da ist der ḡvden lon
 169b,19 von angefiht z̥ angefiht
 169b,20 da an in ist kein zwifel niht
 169b,21 ꝚꝚ Fvr baz wifzit lieben k̄nt
 169b,22 waz heiliger lvde vf erden f̄nt
 169b,23 die fchrīent n̄ v̄n alle vrift
 169b,24 Sie wifzent daz gefchrīben ist
 169b,25 “Selig fa f̄nt alle die
 169b,26 die vf der erden weinent hie
 169b,27 d̥rch die not der kriftenheit”
 169b,28 iedoch fa f̄i vch daz gefeit
 169b,29 daz die einen drahene fin
 169b,30 gar bitter b̄ den druwen m̄n
 169b,31 die hie der menfche gvzit
 169b,32 vnde fa daz wazzer flvzit
 169b,33 al vz des herzen grvnde
 169b,34 da f̄vr fin felbis f̄vnde
 169b,35 Ꝛ die andern drehene gode weiz
 169b,36 die fint auch bitter vnde heiz
 169b,37 alfe ich vch wil fagen wie
 169b,38 die der menfche gvzit hie
 169b,39 Mit druweclichen liften
 169b,40 f̄vr finen eben criften

- 169b,41 ǪǪ die dritten drehene liben kint
 169b,42 heiz vnde da bi fvrze lint
 169b,43 die daz menfche mit beger
 169b,44 gvzit durch der augen wer

 170a,1 Mit druwen innecliche
 170a,2 dar vmme daz hymelriche
 170a,3 Ǫ daz ift daz faderliche lant
 170a,4 daz got deme menfchen hat benant
 170a,5 ǪǪ daz ih fpach “vnemıt mich
 170a,6 von mıme dode frauwit fch
 170a,7 die wlit fvnder allen wan”
 170a,8 da bi fa fvllit ir verftan
 170a,9 alle die die werlit gar
 170a,10 von herzen minnent daz ift war
 170a,11 ir fraude doch zv aller frift
 170a,12 vnftede wankelmvdig ift
 170a,13 Mit gallen vnder mifchit
 170a,14 ir fravde gar verlifchit
 170a,15 von drvrekeit von zorne
 170a,16 fro hvde· drvrig morne
 170a,17 ir fraude ift gar lefchlich
 170a,18 dar in fa hat gemifchit fch
 170a,19 hvnger· kvmmer vnde not
 170a,20 zv ivngift nımet fie der dot
 170a,21 der fraude vf erden nie geliz
 170a,22 daz ftat da in provbjıs
 170a,23 “der lvde fchımpf ir zierde
 170a,24 dar in fch mifchit fırde
 170a,25 am ende fie verfindert
 170a,26 ir fraude weınen hındert”
 170a,27 Ǫ nv wolle vns allen helfen krift
 170a,28 der alles lebens leben ift
 170a,29 daz wir vdienen mvzen hie
 170a,30 die fraude die da nie zvr gie
 170a,31 in deme krancken libe fwach
 170a,32 daz wir kvmen fvnder ach
 170a,33 in daz faderliche lant
 170a,34 daz got da felber hat benant
 170a,35 e· abrahamıs famen
 170a,36 in godis namen amen
 170a,37 **Domonica quarta p^o pafcha**
 170a,38 Uado ad eum qvı mifit me
 170a,39 [h]er vf der glofen meıft qvit
 170a,40 da iz was kvmen an die zit
 170a,41 daz fterben wolde
 170a,42 vmme vnfer aller fcholde
 170a,43 da miede er vns erlofte

- 170a,44 die ívngeren fín er drofte
- 170b,1 ¶¶ Iz was ír aller beſte
 170b,2 droft· vnde auch der leſte
 170b,3 da ín da feít der herre
 170b,4 von der vil grozen ere
 170b,5 Síner hýmeliſchen fart
 170b,6 da kríft zŵ fínen ívngeren zart
 170b,7 ſprach· “vnde ich ſal gen zŵ hant
 170b,8 zŵ deme der mich hat gefant”
 170b,9 ¶ Gar drvríg eín gefinde wert
 170b,10 daz fínes herren da en birt
 170b,11 vñ fín mŵz beiden vnde fol
 170b,12 der· em ie da von herze wol
 170b,13 vnde druweliche hat gedan
 170b,14 von deme ſie nŵcz vnde ere han
 170b,15 ¶¶ dar vmme íſt daz keín wonder
 170b,16 daz die zwelfboden fŵnder
 170b,17 bedrŵbit wart ír aller fín
 170b,18 da got ír herre fŵr von ín
 170b,19 durch des liebe ſie daz íſt war
 170b,20 alle ding begaben gar
 170b,21 ¶ alſe auch matheus· ſprichit do
 170b,22 ín deme ewangelio
 170b,23 “alle dínq wir herre han
 170b,24 dŵrch den willen dín ver lan”
 170b,25 dŵrch daz auch ſie gedroſte críft
 170b,26 des iach er zŵ der ſelben vríft
 170b,27 zŵ den zwelfboden vngemeit
 170b,28 “Ich ſagen vch die warheit
 170b,29 Iz fŵgit vch waz wolt ír me
 170b,30 daz ich zŵ mínem fader ge
 170b,31 alzŵ der namelichen zit
 170b,32 wan vwer nŵcz dar ane lit”
 170b,33 ¶¶ Alſe er ſpreche “wíſzit gar
 170b,34 Íſt iz daz ich níht en far
 170b,35 wieder zŵ deme fader mín
 170b,36 daz mŵz auch vwer ſchade fín
 170b,37 ¶ Sa en kŵmít der paraclitus
 170b,38 níht ín vwer herzen hŵs
 170b,39 der gar von fíner grozen líft
 170b,40 eín droſter heízit da· vñ íſt”
 170b,41 ¶¶ Nŵ mohte ſímelicher fín
 170b,42 Fragen auch durch waz er ín
 170b,43 den zwelfboden gŵt ír kant
 170b,44 den heiligen geíſt al da zŵ hant
- 171a,1 Níht gebe den er in gehiez

- 171a,2 ¶ Ich fagen vch dũrch waz er iz liez
 171a,3 die zwelfboden vnbereit
 171a,4 waren daz fī vch gefeit
 171a,5 alle gar vnde ir genoz
 171a,6 al zʋ der felben gnaden groz
 171a,7 daz in die wũrde da fa frʋ
 171a,8 Sie dorften daz fie ſich dar zʋ
 171a,9 bereiten doch vil gʋder vrift
 171a,10 wan fie den waren krift
 171a,11 da allefamīt gliche
 171a,12 in mīnneten libliche
 171a,13 vil me dan geiftliche gar
 171a,14 waz die lvde daz iſt war
 171a,15 gefihtliche ſehent hie
 171a,16 daz hant auch ferre lieber fie
 171a,17 wan daz man niht gefehen kan
 171a,18 da in zwifele nīeman an
 171a,19 ¶¶ dar vmme david
 171a,20 von vnfers hren ſchone qvid
 171a,21 “fʋr aller lvde ſone
 171a,22 fa iſt ein forme ſchone”
 171a,23 ¶ daz fal wiſzen vwer ſin
 171a,24 fa lange fa die ivngerin
 171a,25 an kriften ſich beſinneten
 171a,26 vnde an deme fleiſche mīnneten
 171a,27 fa gar fere vnde aller meiſt
 171a,28 fa in wart in nīt der heilige geiſt
 171a,29 ¶¶ Gibit got dar vmme dir
 171a,30 den heiligen geiſt daz ſage mīr
 171a,31 dũrch daz dʋ in mīnniſt alle ſtvnt
 171a,32 zʋr genglich gvt vnde dīne frvnt
 171a,33 reht alſe er ſpreche “nein er nīt”
 171a,34 got in deme ewangelio qvīt
 171a,35 “¶ glaubit iz iſt ſicherlich
 171a,36 wer da lieber hat dan mīch
 171a,37 vader mʋder oder kint
 171a,38 daz mīn die gar vnwirdig ſint”
 171a,39 ¶¶ dit prʋbe nīm in dīnen ſin
 171a,40 dʋ en wollift dich dan vzerin
 171a,41 vil gar fleiſzlicher liebe leiſt
 171a,42 fa en mag auch dir d̃ heilige geiſt
 171a,43 Mit ſiner gnade vf erden
 171a,44 avch ñmer m̃e werden

 171b,1 daz vns wol die zwelfboden gar
 171b,2 hant bewiſit vffenbar
 171b,3 ¶ wer wil fagen ñ hie bī
 171b,4 wer dirre groze fvrſte fī

171b,5 der zû deme fader groz gedan
 171b,6 vf zû himel ift gegā
 171b,7 ¶¶wer feit iz vns daz wil ich dūn
 171b,8 Iz ift der ware godis fūn
 171b,9 den maria meit inphieng
 171b,10 zû finem fader er da gieng
 171b,11 ¶Ey lieben kīnder gvt gedā
 171b,12 von wānen fā ift er gegā
 171b,13 von der werlde fā gieng er
 171b,14 des wil ich wesen vwer wer
 171b,15 Crift der hūmel fūrste zart
 171b,16 der get da vf noch finer art
 171b,17 ¶¶wa gieng er hien der fūrste groz
 171b,18 wieder in des fader fchoz
 171b,19 von dānen er her nīder qvā
 171b,20 da er die menscheit an sich nam
 171b,21 die er gab durch vns in den dot
 171b,22 da vone hat gesprochen got
 171b,23 “¶von mīnem fader ich vz gie
 171b,24 in die krancken werlit hie
 171b,25 vnde nam an mīch die menscheit
 171b,26 werliche daz si vch gefeit
 171b,27 ¶¶anderweit han ich ver lan
 171b,28 die werlit vnde bīn gegā
 171b,29 ¶vf zû mīnem fader wieder
 171b,30 der mīch da in die wlit nīder
 171b,31 fante durch def mēfchen not”
 171b,32 nū hat gedā der ware got
 171b,33 der hūmelifche fader gvt
 171b,34 alfe ein vil wifer kūnig dut
 171b,35 des hūfchaft kreftecliche stat
 171b,36 vñ doch vil ftarker viende hat
 171b,37 die im vil argef wollen dūn
 171b,38 gein den er finen frūmen fūn
 171b,39 Sendit hien zū ftride dar
 171b,40 fā er die vientlichen fchar
 171b,41 erfihit daz sie ligit nīder
 171b,42 fā kerit er zū lande wieder
 171b,43 ¶waz mag Ń fā dāne dūn
 171b,44 Mit grozē erē finē fūn

172a,1 vnde mīt grozen frauden dan
 172a,2 enphehit in der wīfe man
 172a,3 ¶¶Svs dede got der fader fīnt
 172a,4 da er fīn ein geborniz kīnt
 172a,5 daz er vil ftarg er kante
 172a,6 von hūmelriche fante
 172a,7 Mitten in die werlit gar

172a,8 gein der vil d̄velichen ſchar
 172a,9 Mit der ſtriden wolde auch er
 172a,10 kriſt ſazte ſich mit ſtarker wer
 172a,11 F̄r alliz menſlich kvnne
 172a,12 daz er en an gewonne
 172a,13 die menſcheit gar gedroſte
 172a,14 von ſiner hant irloſte
 172a,15 dit wolde er willecliche d̄vn
 172a,16 kriſt alſe ein gedruwer ſvn
 172a,17 den leiden d̄vel v̄ber ſtreit
 172a,18 an liplichiz wapen cleit
 172a,19 Ī kriſt geiſtlich wapen dr̄vg
 172a,20 Mit deme cruce kriſt erſlv̄g
 172a,21 daz geiſtliche wapen ſint
 172a,22 den helle fv̄rſten v̄n ir kint
 172a,23 Ī Ī Criſt ein einig iar nit leit
 172a,24 hie f̄r den menſchen arbeit
 172a,25 er leit iz dr̄v v̄n dr̄zig iar
 172a,26 ſtilleliche vnde vffenbar
 172a,27 d̄vrch den menſchen finē kneht
 172a,28 Ī n̄ was iz billich v̄n reht
 172a,29 daz er noch alſo grozer fwer
 172a,30 die erliden hatte auch er
 172a,31 z̄v h̄mel f̄vre wiſz̄t daz
 172a,32 von dānen er bek̄men was
 172a,33 v̄n da mit rūwe ſtede
 172a,34 noch arbeit fraude hede
 172a,35 ſam einis grozen fv̄rſten ſvn
 172a,36 dit won̄d wolde er alliz d̄vn
 172a,37 noch ſiner fr̄ien willekvr
 172a,38 dar v̄me auch er z̄v h̄mel f̄r
 172a,39 al z̄v der ewekeide
 172a,40 daz er v̄n da bereite
 172a,41 Mit fravdē ſtvl v̄n da bī ſtat
 172a,42 alſe er geſprochen hat
 172a,43 in deme ewangelio
 172a,44 ſprich^t er w̄liche alfo

172b,1 “Ich wil gan mit warheiden
 172b,2 vch wil ich auch bereiden
 172b,3 eine ſicherliche ſtat”
 172b,4 n̄ hilf vns hohe trinitat
 172b,5 daz wir vns ſo bereiden
 172b,6 ſa wir von hinnen ſcheiden
 172b,7 daz wir in dīme riche
 172b,8 auch bliben ewecliche amen